


春秋左傳杜注增輯

卷九之卷十一
文公宣公



春秋左傳杜注卷第十

華亭姚培謙學

宣公

名倭一名接又作委文公子母敬嬴謚法善問周達曰宣

經元年春王正月公即位無傳○公子遂如齊逆女

不譏喪娶者不待貶責而自明也卿為君逆例在文四年三月遂以夫人婦姜至自齊稱婦

有姑之辭不書氏史闕文○夏季孫行父如齊○晉放其大夫胥甲

父于衛放者受罪黜免宥之以遠○公會齊侯于平州平州齊地在泰山牟縣西○今山東濟南

府萊蕪縣西有平州城○公子遂如齊○六月齊人取濟西田魯以賂齊

齊人不用師徒故曰取○秋邾子來朝無傳○楚子鄭人侵陳遂侵

宋晉趙盾帥師救陳

傳言救陳宋經無宋字蓋闕

宋公陳侯衛侯曹

伯會晉師于棊林伐鄭

晉師救陳宋四國君往會之共伐鄭也

鄭地滎陽宛陵縣東南有林鄉。今林鄉城在河南開封府新鄭縣東二十五里。孔疏晉本與師為救陳宋。但楚師已去。故四國之君往會。晉師與共伐鄭。

○冬晉趙穿帥師侵崇○晉人宋人伐鄭

傳元年春王正月公子遂如齊逆女尊君命也

諸侯

之卿出入稱名氏所以尊君命也。傳于此發者與還文不同故釋之。

三月遂以夫人婦姜至自

齊尊夫人也

遂不言公子替其尊稱所以成小君之尊也。公子當時之寵號非族也。故傳不言舍族釋例論之備矣。○公羊傳遂何以不稱公子一事而再見者卒名也。按左氏尊君命尊夫人之說非劉氏啟駁之。

○夏季文子如齊納賂以請會

宣公篡立未列於會故以賂請之

○晉人討不用命者放胥甲父于衛

胥甲下軍佐文十二年戰河曲不肯

薄秦於險

而立胥克

克甲之子

先辛奔齊

辛甲之屬大夫。○胡傳秦晉戰于河曲撓史駢之謀者。

趙穿也若討其不用命則當以穿為首。止治軍門之呼偕貶可也。而獨放胥甲父則以趙盾當國穿其族子而盾庇之也。

○會于平州以定公位

篡立者諸侯既與之會則不得復討臣子殺之與弒君同故公與齊會而位定

東門襄仲如齊拜成

謝得會也

○六月齊人取濟西之田為立公故以賂齊也

濟西

故曹地僖三十一年晉文以分魯

○宋人之弒昭公也

在文十六年

晉荀林父以諸侯之師

伐宋宋及晉平宋文公受盟于晉又會諸侯于扈

將為魯討齊皆取賂而還文十五年十七年二虜之盟皆受賂鄭穆公曰

晉不足與也遂受盟于楚陳共公之卒楚人不禮

焉卒在文十三年陳靈公受盟于晉秋楚子侵陳遂侵宋晉

趙盾帥師救陳宋會于棐林以伐鄭也楚蔣賈救

鄭遇于北林與晉師相遇滎陽中牟縣西南有林亭在鄭北今屬開封府囚晉解揚晉人

乃還解揚晉大夫

○晉欲求成於秦趙穿曰我侵崇秦急崇必救之

崇秦之與國吾以求成焉冬趙穿侵崇秦弗與成

○晉人伐鄭以報北林之役報囚解揚於是晉侯侈趙宣

子為政驟諫而不入故不競於楚競強也為明年鄭伐宋張本

經二年春王二月壬子宋華元帥師及鄭公子歸

生帥師戰于大棘宋師敗績獲宋華元得大夫生死皆曰獲例在昭二

十三年大棘在陳留襄邑縣南今河南歸德府睢州西曲棘里有棘城又寧陵縣西南七里有大棘城亦與睢相近○秦師伐

晉○夏晉人宋人衛人陳人侵鄭鄭為楚伐宋獲其大夫晉趙盾與諸侯之師將

為宋報恥畏楚而還失霸者之義故貶稱人○秋九月乙丑晉趙盾弑其君夷

臯靈公不君而稱臣以弑者以示良史之法深責執政之臣例在四年○冬十月乙亥天王崩無傳

傳二年春鄭公子歸生受命于楚伐宋受楚命也宋華元

樂呂御之二月壬子戰于大棘宋師敗績囚華元

獲樂呂

樂呂司寇獲不書非元帥也獲生死通名經言獲華元故傳特護之曰囚以明其生獲故得見贖而還

及甲車

四百六十乘俘二百五十人馘百人狂狡輅鄭人

鄭人入于井

狂狡宋大夫輅迎也輅五嫁反

倒戟而出之獲狂狡君

子曰失禮違命宜其為禽也戎昭果毅以聽之之

謂禮

聽謂常存于耳著於心想聞其政今著直略反顧氏炎武曰聽猶聽政之聽

殺敵為果致果為

毅易之戮也

易反

將戰華元殺羊食士其御羊斟不

與及戰曰疇昔之羊子為政

疇昔猶前日也食音嗣與音預

今日之

事我為政與入鄭師故敗君子謂羊斟非人也以

其私憾敗國殄民

憾恨也殄盡也

於是刑孰大焉詩所謂人

之無良者

詩小雅義取不良之人相怨以亡

其羊斟之謂乎殘民以逞

宋人以兵車百乘文馬百駟

畫馬為文四百匹孔疏若朱其尾鬣之類

以贖

華元于鄭半入華元逃歸立于門外告而入

告宋城門而後

見叔牂曰子之馬然也

叔牂羊斟也車賤得先歸華元見而慰之牂音臧

對曰非

馬也其人也

叔牂知前言以顯故不敢讓罪

既合而來奔

叔牂言畢遂奔魯合猶答也

宋

城華元為植巡功

植將主也植直吏反將去聲孔疏周禮大司馬大役屬其植鄭司農云植謂部曲將吏故宋

城者謳曰睥其目

睥出目瞞犬腹弃甲謂亡師為將領主帥監作者也睥其腹弃甲而

復睥出目瞞犬腹弃甲謂亡師于思于思弃甲復來

于思多鬚之貌思西才

使其驂乘謂之曰牛則有皮犀兕尚多弃甲

則那那猶何也。那乃多反。言雖弃之何害。役人曰從其有皮丹漆若何言縱使

牛與犀兕之皮可用為甲尚用丹漆為飾若何而得之也。華元曰去之夫其口眾我寡傳言

不吝其咎寬而容眾

○秦師伐晉以報崇也伐崇在元年遂圍焦焦晉河外邑。括地志陝縣有故焦城今

在河南河南府陝州城內夏晉趙盾救焦遂自陰地及諸侯之師侵

鄭陰地晉河南山北自上洛以東至陸渾。上洛今陝西西安府洛南縣陸渾今河南府嵩縣其地南阻終南北臨大河所謂河南山北也。又河南府盧氏縣東北有陰地城。以報大棘之役楚鬪椒救鄭曰能欲諸侯

而惡其難乎遂次于鄭以待晉師趙盾曰彼宗競

于楚殆將斃矣競強也鬪椒若敖之族自子文以來世為令尹。難去聲。姑益其疾乃去

之欲示弱以驕之傳言趙盾所以稱人且為四年楚滅若敖氏張本。呂氏大圭曰諸侯之從晉也謂晉之可依也。率諸侯以討宋乃立公子鮑而還

是立賊也鄭由是謂晉為不足與而從楚以侵宋晉乃比宋以伐鄭鄭復使歸生伐宋蓋有辭于宋也。晉復黨宋以侵鄭一動之非義而與國叛之敵國侮之彼得以奉辭而我罷于奔命至一再而未已也伯主之舉動詎可輕哉

○晉靈公不君失君道也。以明于例應稱國以弑。厚斂以彫牆彫畫也。從臺

上彈人而觀其辟丸也○彈徒丹反。宰夫胹熊蹯不熟殺

之寘諸畚使婦人載以過朝畚以草索為之管屬。胹音而煮也。蹯音煩。畚音本。趙盾

士季見其手問其故而患之將諫士季曰諫而不

入則莫之繼也會請先不入則子繼之三進及溜

而後視之士季隨會也。三進三伏。公不省而又前也。溜力救反。屋雷也。曰吾知所

宣公

過矣將改之稽首而對曰人誰無過過而能改善莫大焉詩曰靡不有初鮮克有終詩大雅也夫如是則能

補過者鮮矣君能有終則社稷之固也豈唯羣臣

賴之又曰衮職有闕惟仲山甫補之能補過也詩大雅也

衮君之上服闕過也言服衮者有過則仲山甫能補之君能補過衮不廢矣常服衮也猶不

改宣子驟諫公患之使鉏麇賊之鉏麇平力士。鉏。仕俱反。麇音倪。晨

往寢門闢矣盛服將朝尚早坐而假寐不解衣冠而睡麇退

歎而言曰不忘恭敬民之主也賊民之主不忠弃

君之命不信有一於此不如死也觸槐而死槐趙盾庭樹

秋九月晉侯飲趙盾酒伏甲將攻之其右提彌明

知之右車右。飲去聲。提上支反。趨登曰臣侍君宴過三爵非禮也

遂扶以下公嗾夫獒焉明搏而殺之獒猛犬也。嗾素口反。說文云使犬也。搏

音博。爾雅。狗四尺為獒。盾曰弃人用犬雖猛何為責公不養士而更以犬為已用鬪且

出提彌明死之初宣子田於首山舍于翳桑田獵也。翳桑桑

之多。蔭翳者首山在河東蒲坂縣東南。翳弱於計反。首山即首陽山在今山西平陽府蒲州東南。見靈輒餓問其病

靈輒晉人。曰不食三日矣食之舍其半問之曰宦三年矣

宦學也。食之音嗣下同。舍音捨。孔疏曲禮云宦學事師則二者俱是學也。但宦者學仕宦學者尋經藝以此為异耳。未知母之

存否今近焉去家近請以遺之使盡之而為之簞食與

肉簞筥也。遺去聲。筥思嗣反。孔疏鄭玄曲禮注云。圓曰筥。方曰筥。然則俱是竹器。方圓異名耳。故以筥為筥。寘諸橐以

與之。既而與為公介。靈輒為公甲士。而與音預。倒戟以禦公徒而

免之。問何故對曰。翳桑之餓人也。問其名居。問所居。不

告而退。不望報也。遂自亡也。報亦去。乙丑趙穿攻靈公於桃園

穿趙盾之從父昆弟子。乙丑九月二十七日。宣子未出山而復。晉竟之山也。盾出奔聞公弒而還。大

史書曰。趙盾弒其君。以示於朝。宣子曰。不然。對曰。

子為正卿。亡不越竟。反不討賊。非子而誰。宣子曰。

烏呼。我之懷矣。自貽伊戚。其我之謂矣。逸詩也。言人多所懷戀。則自遺

憂。孔子曰。董狐古之良史也。書法不隱。不隱。盾之罪。趙宣

子古之良大夫也。為法受惡。善其為法受。屈。為去聲。惜也。越竟乃

免。越竟則君臣之義絕。可以不討賊。趙氏匡曰。按董狐云。亡不越竟。言行未遠而君被弒。反又不討賊。狀涉同謀。爾非謂越竟即無罪也。作傳者不達此意。遂傳會為此言。若然者。姦臣令人弒君。身越竟而還。即為無罪乎。宣子使趙穿逆公子黑臀

于周而立之。黑臀。晉文公子。壬申朝于武宮。壬申十月五日。既有日而無月。冬又在壬申下。

明傳文無較。例。較音角。

○初麗姬之亂。詛無畜羣公子。詛。盟誓。麗力知反。孔疏為奚齊卓子以庶篡適晉國。創

其為亂不用。復畜公子。自是晉無公族。無公子。故廢公族之官。掌教公之子弟。及成公即位。

乃宦卿之適。而為之田。以為公族。宦。仕也。為置田邑。以為公族大夫。適。丁歷反。

為置。去聲。又宦其餘子。亦為餘子。餘子。適子之母弟也。亦治餘子之政。主教卿大夫適妻之次子。其

宣公

庶子為公行庶子妾子也掌率公戎行。行音杭。晉於是公族餘子公

行皆官名趙盾請以括為公族括趙盾異母弟趙姬之子。子屏季也。○屏步丁反。曰君

姬氏之愛子也趙姬文公女。成公姊也。微君姬氏則臣狄人也。公

許之盾狄外孫也。姬氏逆之以為適事。見僖二十四年。冬趙盾為旄車之族旄車公行之官。盾本卿適

為公族大夫盾以其故官屬與屏季使為衰之適。○衰初危反。使屏季以其故族

經三年春王正月郊牛之口傷改卜牛牛死乃不

郊牛不稱牲。未卜日。猶三望○葬匡王無傳四月而葬速。○楚子伐陸

渾之戎渾戶昏反。○夏楚人侵鄭○秋赤狄侵齊無傳。○

宋師圍曹○冬十月丙戌鄭伯蘭卒再與文同盟。○葬鄭

穆公無傳。葬不月闕文。

傳三年春不郊而望皆非禮也言牛雖傷死當更改卜取其吉者。郊不可廢也。前年冬天

王崩未葬而郊者不以王事廢天事。禮記曾子問天子崩未殯五祀不行既殯而祭自啓至于反哭五祀之祭不行已葬而祭。○胡傳禮為天王服斬衰

周人告喪于魯史策已書而未葬也。祀帝于郊夫豈其時。望郊之屬也不郊亦無望可也

已有例在僖三十一年復發傳者嫌牛死與卜不從異。

○晉侯伐鄭及邲鄭及晉平士會入盟邲鄭地為夏楚侵鄭傳。○邲音

延。○或云即廩延今河南開封府延津縣也。

○楚子伐陸渾之戎遂至于雒觀兵于周疆雒水出上雒冢。

領山至河南
鞏縣入河

定王使王孫滿勞楚子

王孫滿周大夫。勞去聲。

楚子問鼎

之大小輕重焉

示欲偏周取天下

對曰在德不在鼎昔夏之

方有德也

禹之世

遠方圖物

圖畫山川奇異之物而獻之

貢金九牧

使九州之牧貢

金鑄鼎象物

象所圖物著之於鼎

百物而為之備使民知神姦

物之形使民逆備之

故民入川澤山林不逢不若

若順也

螭魅罔兩

螭山神獸形魅怪物罔兩水神

莫能逢之

逢遇也

用能協于上下以承天休

民無災害則上下和而受天祐

桀有昏德鼎遷于商載祀六百

載祀皆年。爾雅商曰祀

唐虞曰載周曰年夏曰歲

商紂暴虐鼎遷于周德之休明雖小重也

不可遷

其姦回昏亂雖大輕也

言可移

天祚明德有所底止

底致也。祿才故反底音旨

成王定鼎于郊廓

郊廓今河南也。武王遷之成王定之。郊古洽反廓音辱

卜

世三十卜年七百天所命也周德雖衰天命未改

鼎之輕重未可問也

○夏楚人侵鄭鄭即晉故也

○宋文公即位三年殺母弟須及昭公子武氏之

謀也

武氏謀奉母弟須及昭公子以作亂事在文十八年

使戴桓之族攻武氏於司馬

子伯之館盡逐武穆之族武穆之族以曹師伐宋

秋宋師圍曹報武氏之亂也

○冬鄭穆公卒初鄭文公有賤妾曰燕姑

姑南燕姓。姑其乙反

夢天使與已蘭蘭香草曰余為伯儵余而祖也伯儵南燕祖儵音儵

以是為而子以蘭為女子名。女音汝以蘭有國香人服媚之如是

媚愛也欲令人愛之如蘭既而文公見之與之蘭而御之辭曰妾不

才幸而有子將不信敢徵蘭乎懼將不見信故欲計所賜蘭為懷子月數公曰

諾生穆公名之曰蘭文公報鄭子之妃曰陳媯鄭子文公

叔父子儀也漢律淫季父之妻曰報生子華子臧子臧得罪而出出奔宋誘子

華而殺之南里在僖十六年南里鄭地使盜殺子臧於陳宋之間

在僖二十四年又娶于江生公子士朝于楚楚人酖之及葉

而死葉楚地今南陽葉縣酖直陰反葉式涉反今河南南陽府葉縣南三十里有古葉城又娶于蘇生子

瑕子俞彌俞彌早卒洩駕惡瑕文公亦惡之故不

立也洩駕鄭大夫公逐羣公子公子蘭奔晉從晉文公伐

鄭在僖三十年石癸曰吾聞姬媯耦其子孫必蕃媯姓宜為姬配耦

媯吉人也后稷之元妃也媯姓之女為后稷妃周是以興故曰吉人今公子蘭

媯甥也天或啓之必將為君其後必蕃先納之可

以亢寵亢極也與孔將鉏侯宣多納之盟於大宮而立

之大宮鄭祖廟大音泰以與晉平穆公有疾曰蘭死吾其死乎

吾所以生也刈蘭而卒傳言穆氏所以大興於鄭天所啓也

經四年春王正月公及齊侯平莒及邾莒人不肯

公伐莒取向

莒鄰二國相怨故公與齊侯共平之向莒邑東海承縣東南有向城遠疑也。鄭音談鄰國今為郟城縣屬山東兗州府故郟城在縣西南境向舒亮反承之甄反古承縣在今兗州府嶧縣西北一里按寰宇志云莒州南七十里有向城今州屬山東青州府

伯稻卒

無傳未同盟秦共公也 ○夏六月乙酉鄭公子歸生弑其

君夷

傳例曰稱臣臣之罪也子公實弑而書子家罪其權不足也。張氏洽曰歸生位為上卿久執大權國事由已乃不能鎮服姦邪遏絕萌孽又脅于邪謀撓而從之位尊責重故春秋定為戎首以戒大臣不能持正而阿附惡人者所以示國討之法而明事君之義也 ○赤狄侵

齊

無傳 ○秋公如齊 無傳 公至自齊 無傳告於廟例在桓二年 ○冬楚子

伐鄭

傳四年春公及齊侯平莒及郟莒人不肯公伐莒

取向非禮也平國以禮不以亂伐而不治亂也 責公不先

以禮治之而用伐 以亂平亂何治之有無治何以行禮

○楚人獻鼃於鄭靈公 穆公犬子夷也 公子宋與子家將見

宋子公也子家歸生 子公之食指動 第二指也 以示子家曰他日我如

此必嘗異味及入宰夫將解鼃相視而笑公問之

問所笑 子家以告及食大夫鼃召子公而弗與也 欲使指動無效

音嗣 子公怒染指於鼎嘗之而出公怒欲殺子公

公與子家謀先 先公為難 子家曰畜老猶憚殺之 六畜畜許又反

而况君乎 胡傳以畜老憚殺比方君父歸生之心悖矣 反譖子家子家懼而從

之 譖子家於公 夏弑靈公書曰鄭公子歸生弑其君夷權

不足也

子家權不足以禦亂懼譖而從弒君故書以首惡

君子曰仁而不武無能達

也

初稱蓄老仁也不討子公是不武也故不能自通于仁道而陷弒君之罪

凡弒君稱君君無道也

稱臣臣之罪也

稱君謂唯書君名而稱國以弒言眾所共絕也稱臣者謂書弒者之名以示來世終為不義改殺稱弒辟

其惡名取有漸也書弒之義釋例論之備矣

鄭人立子良

穆公庶子

辭曰以賢則去疾

不足

去疾子良名

以順則公子堅長乃立襄公

襄公堅也

襄公將

去穆氏

逐羣兄弟

而舍子良

以其讓已

子良不可曰穆氏宜存則

固願也若將亡之則亦皆亡去疾何為

何為獨留

乃舍之

皆為大夫

○初楚司馬子良生子越椒子文曰必殺之

子文子良之兄

是子也熊虎之狀而豺狼之聲弗殺必滅若敖氏

矣諺曰狼子野心是乃狼也其可畜乎子良不可

子文以為大感及將死聚其族曰椒也知政乃速

行矣無及於難且泣曰鬼猶求食若敖氏之鬼不

其餒而

而語助言必餒

及令尹子文卒鬬般為令尹

般子文之子子揚○般音

班子越為司馬薦賈為工正譖子揚而殺之子越

為令尹已為司馬

賈為椒譖子揚而已得椒處○薦于委反

子越又惡之惡乃以

若敖氏之族圍伯贏於轅陽而殺之

圍囚也伯贏薦賈也轅陽楚邑○圍音語

轅音遼

遂處烝野將攻王王以三王之子為質焉弗受

烝野楚邑三王文師于漳澁漳澁漳水邊。漳水出新城汭鄉縣至當陽縣東南五十里與沮水合名合溶渡當陽今屬湖廣

安陸府秋七月戊戌楚子與若敖氏戰于臯澣臯澣楚地。許

音伯楚射王汰翰及鼓跗著於丁寧伯楚越椒也。翰車轅汰過也。箭過車轅上

丁寧鉦也。射食亦反。汰他未反。著直略反。跗音孚。車上不得置箕箒以縣鼓。故為作跗若般之楹鼓也。又射汰翰以貫

笠。穀兵車無蓋尊者則邊人執笠依轂而立以禦寒暑。名曰笠穀。此言箭過車轅及王之蓋。師懼退。王使巡

師曰。吾先君文王克息。獲三矢焉。伯楚竊其二。盡

於是矣。鼓而進之。遂滅若敖氏。初若敖娶於邲。邲國

邲音云。通典邲或作鄆。今湖廣德安府安陸縣有鄆城古鄆國也。生鬪伯比若敖卒。從其母畜

於邲也。畜養淫於邲子之女生子文焉。邲夫人使弃諸

夢中夢澤名江夏安陸縣城東南有雲夢城虎乳之邲子田見

之懼而歸夫人以告告女私通所生遂使收之楚人謂乳穀

謂虎於菟故命之曰鬪穀於菟以其女妻伯比伯比所淫

者。穀奴口反。實為令尹子文鬪氏始自子文為令尹其孫箴尹克黃

箴尹官名克黃子揚之子使於齊還及宋聞亂其人曰不可以入矣

箴尹曰弃君之命獨誰受之君天也天可逃乎遂

歸復命而自拘於司敗王思子文之治楚國也曰

子文無後何以勸善使復其所改命曰生易其名也

○冬楚子伐鄭鄭未服也前年楚侵鄭不獲成故曰未服

經五年春公如齊夏公至自齊○秋九月齊高固

來逆叔姬高固齊大夫不書女歸降於諸侯○叔孫得臣卒無傳不書日公不與小斂○

冬齊高固及子叔姬來叔姬寧固反馬○楚人伐鄭

傳五年春公如齊高固使齊侯止公請叔姬焉留公

強成昏夏公至自齊書過也公既見止連昏于隣國之臣厭尊毀列累其先君而于廟行飲至之禮故書以

示過○厭於涉反累去聲

○秋九月齊高固來逆女自為也故書曰逆叔姬

卿自逆也適諸侯稱女適大夫稱字所以別尊卑也此春秋新例故稱書曰而不言凡也不于莊二十七年發例者嫌見逼而成昏

因明之○為去聲冬來反馬也禮送女留其送馬謙不敢自安三月廟見遣使反馬高固遂與叔姬俱寧故經傳具見以

示譏○孔疏送女適於夫氏留其所送之馬謙不敢自安于夫若被出弃則將乘之以歸故留之也至三月廟見夫婦之情既固則夫家遣使反其所留之馬以示與之偕老不復歸也法當遣使不合親行胡傳禮女子有行遠父母者歲一歸寧今見逆逾時未易歲也而叔姬亟來亦非禮也

○楚子伐鄭陳及楚平晉荀林父救鄭伐陳為明年晉衛侵

陳傳

經六年春晉趙盾衛孫免侵陳○夏四月○秋八

月螽無傳○程子曰螽蝗也○冬十月

傳六年春晉衛侵陳陳即楚故也

○夏定王使子服求后于齊子服周大夫

○秋赤狄伐晉圍懷及邢邱邢邱今河內平臯縣○今河南懷慶府河內縣東南七十里

平臯故城平臯故城晉侯欲伐之中行桓子曰使疾其民驕則數戰為民所疾以

盈其貫將可殪也殪盡也貫猶習也殪於計反劉氏炫曰按尚書泰誓武王數紂之惡云商罪貫盈言紂之為

惡如物在繩索之貫不得為習也周書曰殪戎殷周書康誥也義取周武王以兵伐殷盡滅之此類

之謂也為十五年晉滅狄傳

○冬召桓公逆王后于齊召桓公王卿士事不關魯故不書為成二年王甥舅張本

○楚人伐鄭取成而還九年十一年傳所稱厲之役蓋在此

○鄭公子曼滿與王子伯廖語欲為卿二子鄭大夫廖方彫反伯

廖告人曰無德而貪其在周易豐三三離下震上豐之離

三三豐上六變而為純離也周易論變故雖不筮必以變言其義豐上六曰豐其屋蔀其家闕其戶闕其無人三歲不覲凶義取無德而大其

屋不過三歲必滅亡○蔀步口反闕苦規反闕苦鷄反弗過之矣不過三年閒一歲鄭人殺之閒去聲

經七年春衛侯使孫良夫來盟○夏公會齊侯伐

萊傳例曰不與謀也萊國今東萊黃縣○今屬山東登州府縣東南二十里有萊子城秋公至自伐萊無傳○

大旱無傳書早而不書○冬公會晉侯宋公衛侯鄭伯

曹伯于黑壤今山西澤州沁水縣西北四十里黑嶺周宇文泰改為烏嶺寰宇記云即春秋晉黑壤也

傳七年春衛孫桓子來盟始通且謀會晉也公即位衛始修

○夏公會齊侯伐萊不與謀也凡師出與謀曰及

不與謀曰會與謀者謂同志之國相與講議利害計成而行之故以相連及為文若不獲已應命而出則以外合為文皆據魯而言師者國之大事存亡之所由故詳其舉動以例別之

○赤狄侵晉取向陰之禾此無秋字蓋闕文晉用桓子謀故縱狄向舒亮反孔疏苗秀乃名為禾

夏則無禾可取知此取必在秋

○鄭及晉平公子宋之謀也故相鄭伯以會冬盟

于黑壤王叔桓公臨之以謀不睦王叔桓公周卿士衛天子之命以監臨諸侯不

同軟者尊卑之別也晉侯之立也在二年公不朝焉又不使大夫聘

晉人止公于會盟于黃父公不與盟以賂免黃父即黑壤

故黑壤之盟不書諱之也慢盟主以取執止之辱故諱之

經八年春公至自會無傳義與五年書過同○夏六月公子遂如

齊至黃乃復無傳蓋有疾而還大夫受命而出雖死以尸將事遂以疾還非禮也○辛巳有事于

大廟仲遂卒于垂有事祭也仲遂卒與祭同日畧書有事為繹張本不言公子因上行還閒無異事省文從可知也稱

字時君所嘉無義例也垂齊地非魯竟故書地○垂當在山東兗州府平陰縣境胡傳曷為書字生而賜氏俾世其官也壬午猶繹

萬入去籥繹又祭陳昨日之禮所以賓尸萬舞名籥管也猶者可止之辭魯人知卿佐之喪不宜作樂而不知廢繹故內舞去籥

惡其聲聞○呂氏祖謙曰萬舞文武二舞之總名籥舞文舞之別名文舞又謂之羽舞蓋文舞吹籥秉翟羽也萬入去籥者文武二舞俱入于二舞中去

羽舞吹籥者○戊子夫人嬴氏薨無傳宣公母也○晉師白狄伐秦

○楚人滅舒蓼○秋七月甲子日有食之既無傳月三十日

食○陸氏九淵曰日之食必在朔食不在朔歷差也○冬十月己丑葬我小君敬嬴敬謚

喪故稱葬小君 **雨不克葬庚寅日中而克葬** 克成也 ○城平

陽 今泰山有平陽縣。今山東濟南府新泰縣西北四里平陽故城是也。 ○楚師伐陳

傳 八年春白狄及晉平夏會晉伐秦 經在仲遂卒下從赴 晉人

獲秦謀殺諸絳市六日而蘇 蓋記異也。謀徒協反間也。今謂之細作。

○有事于大廟襄仲卒而繹非禮也 胡傳禮大夫卒當祭則不告終事而聞

則不繹不告者盡肅敬之誠於宗廟不繹者全始終之恩於臣子也

○楚為眾舒叛故伐舒蓼滅之 舒蓼二國名。二國按孔疏以為蓋轉寫誤當云一國名

今江南廬州府廬江縣西故舒城是也 楚子疆之 正其界也 及滑汭 滑水名也。當在今廬州府東境 盟

吳越而還 吳國今吳郡越國今會稽山陰縣也。傳言楚疆吳越服從。吳郡今江南蘇州府山陰縣今屬浙江紹興府

○晉胥克有蠱疾 惑以喪志 卻缺為政 代趙盾 秋廢胥克使趙

朔佐下軍 朔盾之子代胥克為成十七年胥童怨卻氏張本

○冬葬敬嬴旱無麻始用葛萆 記禮變之所由萆所以引柩殯則有之以備火葬則以下

柩 雨不克葬禮也禮卜葬先遠日辟不懷也 懷思也。穀梁

傳葬既有日不為雨止禮也雨不克葬喪不以制也孫氏復曰譏無備也

○城平陽書時也 趙氏鵬飛曰左氏例水昏正而栽水昏正夏之十月非周之十月也今見書十月遂謂之時是不

識夏周正朔之異也

○陳及晉平楚師伐陳取成而還 言晉楚爭疆

經九年春王正月公如齊 無傳 公至自齊 無傳 ○夏仲

孫蔑如京師

○仲孫蔑公孫敖之孫

○齊侯伐萊

無傳

○秋取根牟

根牟東夷國也今琅邪陽都縣東有牟鄉○在今山東青州府沂水縣南

○八月滕子卒

未同盟

○九月

晉侯宋公衛侯鄭伯曹伯會于扈晉荀林父帥師

伐陳辛酉晉侯黑臀卒于扈

卒于竟外故書地四與文同盟九月無辛酉日誤

○冬

十月癸酉衛侯鄭卒

無傳三與文同盟

○宋人圍滕○楚子

伐鄭晉卻缺帥師救鄭○陳殺其大夫洩冶

洩冶直諫於淫

亂之朝以取死故不為春秋所貴而書名○穀梁傳稱國以殺其大夫殺無罪也

傳九年春王使來徵聘

徵召也言周徵也徵聘不書微加諷諭不指斥

夏孟獻子

聘於周王以為有禮厚賄之

○秋取根牟言易也

○汪氏克寬曰內諱滅故書取與鄭郭同

○滕昭公卒

為宋圍滕傳

○會于扈討不睦也

謀齊陳

陳侯不會

前年與楚成故

晉荀林父

以諸侯之師伐陳

不書諸侯師林父帥之無將帥

晉侯卒于扈乃還

○冬宋人圍滕因其喪也

○陳靈公與孔寧儀行父通於夏姬皆衷其相服

以戲于朝

二子陳卿夏姬鄭穆公女陳大夫御叔妻衷懷也相服近身衣○相女乙反

洩冶諫曰公

卿宣淫民無效焉

宣宗也

且聞不令君其納之

納藏相服公曰

吾能改矣公告二子二子請殺之公弗禁遂殺洩

治孔子曰詩云民之多辟無自立辟其洩治之謂

乎辟邪也辟法也詩大雅言邪辟之世不可立法國無道危行言孫○上辟音僻下辟音關黃氏仲炎曰此非孔子之言也昔者紂為不道微子去之箕子為之奴比干諫而死孔子曰殷有三仁焉以比干為仁則必不以洩治為非矣邦無道危行言孫此世之明哲見幾不仕而高尚者之為也若夫有位於朝食君之祿則既以身許國矣豈可緘默苟容與俗俱靡以自立辟為戒以善保身為得哉此非所以為人臣之訓也

○楚子為厲之役故伐鄭六年楚伐鄭取成於厲既成鄭伯逃歸事見十一年晉卻缺

救鄭鄭伯敗楚師于柳棼柳棼鄭地國人皆喜唯子良憂

曰是國之災也吾死無日矣自是晉楚交兵伐鄭十二年卒有楚子入鄭之禍

經十年春公如齊公至自齊無傳○齊人歸我濟西

田元年以賂齊也不言來公如齊因受之○夏四月丙辰日有食之無傳不書朔官失之

○己巳齊侯元卒未同盟而赴以名○齊崔氏出奔衛齊略見舉族出

因其告辭以見無罪○孔疏崔杼未有罪也齊人疑其事故不言其名略言崔氏見其舉族出奔耳

○公如齊五月公至自齊無傳○癸巳陳夏徵舒弒其君平國徵舒陳大夫也

靈公惡不加民故稱臣以弒○胡傳特書徵舒之名氏以見洩治忠言之驗靈公見弒之由使有國者必以遠色修身包容狂直開納諫諍為心也以為罪不及民故稱大夫

○六月宋師伐滕○公孫歸父如齊葬齊惠公無傳歸父襄仲之子○晉人宋人衛人曹人伐鄭鄭及

楚平故○秋天王使王季子來聘王季子者公羊以為天王之母弟然則字季子天子大夫稱字

○公孫歸父帥師伐邾取繹繹邾邑魯國鄒縣北有繹山○今嶧山在山東兗州府鄒縣東

南二十里蓋縣治徙山北也

○大水無傳○季孫行父如齊

嶧與繹通又詳文十三年

宣公

宣公

宣公

宣公

宣公

宣公

○冬公孫歸父如齊齊侯使國佐來聘

既葬成君故稱君命使也○高

氏閱曰嗣子踰年即位始稱君未踰年稱子惠公之葬既速又未踰年而以君命遽遣使來聘焉當凶釁而行吉禮忘哀思而結懽好書曰齊侯著其惡也

○饑無傳有水災嘉穀不成 ○楚子伐鄭

傳十年春公如齊齊侯以我服故歸濟西之田

公比年朝

故齊

○夏齊惠公卒崔杼有寵於惠公高國畏其偏也

高國二家齊正卿○杼直呂反

公卒而逐之奔衛書曰崔氏非其罪也

且告以族不以名

典策之法告者皆當書以名今齊特以族告夫子因而存之以示無罪又言且告以族不以名

者明春秋有因而用之不皆改舊史

凡諸侯之大夫違

違奔

告於諸侯曰某

氏之守臣某

上某氏者姓下某名

失守宗廟敢告所有玉帛之

使者則告

玉帛之使為聘

不然則否

恩好不接故亦不告○胡傳書曰崔氏以族奔也許翰以謂崔杼出而能

反反而能弒者以其宗彊於此舉氏辨之早也其說得矣又按趙氏鵬飛曰左氏以為崔杼出奔吾疑其附會且自是至崔杼之逆凡五十有一年以七十言之則今日之奔直未冠耳未冠遽能專齊乎古者四十而仕五十而爵則至崔杼之弒蓋百歲矣

○公如齊奔喪

公親奔喪非禮也公出朝會奔喪會葬皆書如不言其事史之常也

○陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之

靈公即位於今十五年徵舒已為卿年大

無嫌是公子蓋以夏姬淫放故謂其子多似以為戲○女音汝

公出自其殿射而殺之二子

奔楚

射音石

○滕人恃晉而不事宋六月宋師伐滕

○鄭及楚平前年敗楚師恐楚深怨故與之平諸侯之師伐鄭取成而

還

○秋劉康公來報聘報孟獻子之聘即王季子也其後食采於劉

○師伐邾取繹為子家如齊傳

○季文子初聘于齊齊侯初即位

○冬子家如齊伐邾故也魯侵小恐為齊所討故往謝國武于來報

聘報文子也

○楚子伐鄭晉士會救鄭逐楚師于潁北潁水出河南陽城至

下蔡入淮。水經云潁水出潁川陽城縣西北少室山又東南過陽翟縣北注云潁水又逕上棘城西左傳楚師伐鄭城上棘以涉潁者也潁水又逕陽翟縣故城北陽翟今河南開封府禹州潁北當在禹州之北諸侯之師戍鄭

○鄭子家卒鄭人討幽公之亂斲子家之棺而逐其族以四年弒君故也斲薄其棺不使從卿禮改葬幽公謚之曰靈

經十有一年春王正月○夏楚子陳侯鄭伯盟于

辰陵楚復伐鄭故受盟也辰陵陳地潁川長平縣東南有辰亭。今河南開封府陳州西南四十里有辰陵亭故長平城在州西北六十里

○公孫歸父會齊人伐莒無傳○秋晉侯會狄于欒

函晉侯往會之故以狄為會主欒函狄地。欒才端反函音咸○冬十月楚人殺陳夏徵

舒不言楚子而稱人討賊辭也丁亥楚子入陳楚子先殺徵舒而欲縣陳後得申叔時諫乃復封陳不有其地

故書入在殺徵舒之後。○胡傳先書殺後書入者，與楚子之能討賊故先之也。納公孫寧儀行父于陳。二子淫昏亂人也。君弒之後，能外託楚以求報君之讐，內結強援於國，故楚莊得平步而討陳，除弒君之賊於時。陳成公播蕩於晉，定亡君之嗣，靈公成喪，賊討國復，功足以補過。故君子善楚復之。○胡傳此二臣者，從君於昏，宣淫於朝，誅殺諫臣，使其君見弒，蓋致亂之臣也。肆諸市朝，與眾同弃，然後快於人心。今乃詭辭奔楚，託於討賊復讐，以自脫其罪，而楚莊不能察其反覆，又使陳人用之，是猶人有飲毒而死者，幸而復生，又強以毒飲之，可乎？故聖人外此二人于陳，而特書曰：納納者，不受而強納之者也。

傅十一年春，楚子伐鄭，及櫟，子良曰：晉楚不務德而兵爭，與其來者可也。晉楚無信，我焉得有信？乃從楚，夏，楚盟于辰陵，陳鄭服也。傳言楚與晉狎主盟

○楚左尹子重侵宋。子重，公子嬰齊莊王弟。王待諸郟。郟，楚地。○郟音延。○當在開封府。

項城縣境。令尹蔿艾獵城沂。艾獵，孫叔敖也。沂，楚邑。○當在河南汝寧府真陽縣境。使封人慮

事。封人，其時主築城者。慮，事無慮計功。○廣雅云：無慮，都凡也。孔疏慮事者，謀慮城築之事，無則慮之訖，則計功也。史書多有無慮之語，皆謂揆度前事也。以授司徒量功，命日分財用。財用，築事也。日數。平板，榦

榦，榦也。○孔疏釋詁云：榦，榦榦也。舍人曰：榦，正也。築牆所立兩木也。榦所以當牆兩邊，鄣土者也。彼榦為榦，故謂榦為榦，謂牆之兩頭立木也。板在兩旁，即鄣土者，即彼文榦也。平板，榦者等其高下，使城齊也。

稱畚築。量輕重，畚盛土器。○畚音本。○築者，築土之杵，盛音成。程土物

為作程限。○為，去聲。孔疏稱畚築者，量其輕重，均負土與築者之力也。程，土物謂鍤鑿畚舉之屬，為作程限，備豫也。議遠邇，均勞

略基趾。趾，城足略行也。○行，去聲。具餼糧，度有司事。三

旬而成。十日。○為旬。不愆于素。不過素所慮之期也。傳言叔敖之能使民。

○晉卻成子求成于眾狄，眾狄疾赤狄之役，遂服。

于晉

赤狄潞氏最強故服役眾狄

秋會于欒函眾狄服也是行也諸

大夫欲召狄卻成子曰吾聞之非德莫如勤非勤

何以求人能勤有繼其從之也

勤則功繼之

詩曰文王既

勤止

詩頌文王勤以創業

文王猶勤况寡德乎

○冬楚子為陳夏氏亂故伐陳

十年夏徵舒弑君

謂陳人無

動將討於少西氏

少西徵舒之祖子夏之名

遂入陳殺夏徵舒轅諸

栗門

轅車裂也栗門陳城門○轅音患

因縣陳

滅陳以為楚縣

陳侯在晉

靈公子成公午

申

叔時使於齊反復命而退王使讓之曰夏徵舒為

不道弑其君寡人以諸侯討而戮之諸侯縣公皆

慶寡人

楚縣大夫皆僭稱公

女獨不慶寡人何故對曰猶可辭

乎

○言尚可有辭以自解乎

王曰可哉曰夏徵舒弑其君其罪大矣

討而戮之君之義也抑人亦有言曰牽牛以蹊人

之田

抑辭也蹊徑也○蹊音兮

而奪之牛牽牛以蹊者信有罪矣而

奪之牛罰已重矣諸侯之從也曰討有罪也今縣

陳貪其富也以討召諸侯而以貪歸之無乃不可

乎王曰善哉吾未之聞也反之可乎對曰可哉吾

儕小人所謂取諸其懷而與之也

叔時謙言小人意淺謂譬如取人物於懷而還

之為愈於不還

乃復封陳鄉取一人焉以歸謂之夏州

州鄉屬示討夏

氏所獲也。○史記楚考烈王元年秦取夏州即此地。故書曰楚子入陳。

納公孫寧儀行父于陳書有禮也。沒其縣陳本意全以討亂存國為文善其得禮

○啖氏助曰若以納亂臣為有禮孰為非禮

○厲之役鄭伯逃歸蓋在六年自是楚未得志焉鄭既受

盟于辰陵又徵事于晉為明年楚圍鄭傳十年鄭及楚平既無其事辰陵盟後鄭徵事晉又無端跡傳皆特發以明經也自厲之役鄭南北兩屬故未得志九年楚子伐鄭不以黑壤與伐遠稱厲之役者志恨在厲役此皆傳上下相包通之義也○徵古堯反

春秋左傳杜注卷第十

春秋左傳杜注卷第十一

華亭姚培謙學

宣公

經十有二年春葬陳靈公無傳賊討國復二十一月然後得葬○楚子圍

鄭前年盟辰陵而夏六月乙卯晉荀林父帥師及楚子

戰于邲晉師敗績晉上軍成陳故書戰邲鄭地○邲音弼今河南開封府鄭州東六里有邲城○秋

七月○冬十有二月戊寅楚子滅蕭蕭宋附庸國十二月無戊寅戊寅十一月

九日○孔疏此年楚子滅蕭定十一年宋公○晉人宋人衛人曹

人同盟于清邱晉衛背盟故大夫稱人宋華椒承羣偽之言以誤其國宋雖有守信之善而耕猶不免譏清邱衛地今在

濮陽縣東南。唐置清邱驛。在今直隸大名府開州東南七十里長樂里。○宋師伐陳衛人救陳清

盟邱之

傳十二年春楚子圍鄭旬有七日鄭人卜行成不

吉卜臨于大宮臨哭也大宮鄭祖廟且巷出車吉出車於巷示將見遷

不得安居國人大臨守陴者皆哭陴城上僻倪皆哭所以告楚窮也。陴音皮僻普計反倪音詣。孔疏倪倪者看視之名釋名云城上垣曰陴於其孔中俾倪非常楚子退師鄭人脩城進復圍之

三月克之哀其窮哭故為退師而猶不服故復圍之九十日入自皇門至于逵路塗方九軌

曰鄭伯肉袒牽羊以逆肉袒牽羊示服為臣僕曰孤不天不為天所祐不

能事君使君懷怒以及敝邑孤之罪也敢不唯命

是聽其俘諸江南以實海濱亦唯命其翦以賜諸

侯使臣妾之亦唯命翦削也若惠顧前好楚鄭世有盟誓之好徼福

於厲宣桓武不泯其社稷周厲王宣王鄭之所自出也鄭桓公武公始封之賢君也願楚要福于此

四君使社稷不滅泯猶滅也使改事君夷於九縣楚滅九國以為縣願得比之君之惠

也孤之願也非所敢望也敢布腹心君實圖之左

右曰不可許也得國無赦王曰其君能下人必能

信用其民矣庸可幾乎退三十里而許之平退一舍以禮鄭

○幾音冀潘尫入盟子良出質潘尫楚大夫子良鄭伯弟。尫烏黃反質音致夏六月晉

師救鄭荀林父將中軍代卻先穀佐之彘季代林父。孔疏服虔云食采於彘

士會將上軍

河曲之役卻缺將上軍宣八年代趙盾為政將中軍士會代將上軍

卻克佐之

卻缺之子代史

駢趙朔將下軍

代欒

欒書佐之

欒盾之子代趙朔

趙括趙嬰齊

為中軍大夫

括嬰齊皆趙盾異母弟

鞏朔韓穿為上軍大夫荀首

荀首林父弟

趙同為下軍大夫

趙同為下軍大夫

趙同趙嬰兄

韓厥為司馬

韓萬

及河聞

鄭既及楚平桓子欲還曰無及於鄭而勦民焉用

之

桓子林父勦勞也勦子小反

楚歸而動不後

動兵

隨武子曰善

武子

會

聞用師觀釁而動

釁罪也。孔疏釁是間隙之名今人謂瓦裂龜裂皆為釁既有間隙故得為罪也

德刑

政事典禮不易不可敵也不為是征

言征伐為有罪不為有禮。為去聲

楚軍討鄭怒其貳而哀其卑叛而伐之服而舍之

德刑成矣伐叛刑也柔服德也二者立矣昔歲入

陳

討徵舒

今茲入鄭民不罷勞君無怨讟

讟謗也。罷音皮讟音讀

政有

經矣

經常也

荆尸而舉

荆楚也尸陳也楚武王始更為此陳法遂以為名。此陳直觀反

不敗其業而卒乘輯睦

步曰卒車曰乘。賈音古

事不奸矣

奸犯也。奸音干

為教為宰擇楚國之令典

宰令尹為教孫叔敖

軍行右轅左追

葦

在車之右者挾轅為戰備在左者追求草葦為宿備傳曰令尹南轅又曰改乘轅楚陳以轅為主。葦音辱。孔疏司馬法兵車一乘有甲士三人步卒七十二人甲士在車不共卒役所言左右者分步卒為左右也兵車一轅服馬夾之而言挾轅者步卒被分在右者當軍行之時又分之使在兩廂挾轅以為戰備楚陳以轅為主故以轅表車正是挾車嚴兵以備不虞也其應在左者使之追求草葦令離道求草不近兵車也葦謂卧上之草故云為宿備也此是在道時然故云軍行右轅左追葦至于對陳之時則各在車之左右故豫定左右之分在道分使之耳

前茅慮無

慮無慮

慮無慮

如今軍行前有斥候蹋伏皆持以絳及白為幡見騎賊舉絳幡見步賊舉白幡備慮有無也茅明也或曰時楚以茅為旌識○蹋徒臘反識音志○斥候蹋伏者令人遠在軍前斥度中權後勁中軍制謀後以精兵為殿百官象物而

動軍政不戒而備物猶類也戒敕令能用典矣其君之舉也

內姓選於親外姓選於舊言親疎並用舉不失德賞不失

勞老有加惠賜老則不計勞旅有施舍旅客來者施之以惠舍不勞役君子小人

物有服章尊卑別也貴有常尊賤有等威威儀有等差禮不逆矣

德立刑行政成事時典從禮順若之何敵之見可

而進知難而退軍之善政也兼弱攻昧武之善經

也昧昏亂經法也子姑整軍而經武乎姑且也猶有弱而昧者何

必楚仲虺有言曰取亂侮亡兼弱也仲虺湯左相薛之祖奚仲之後洵

曰於鑠王師遵養時晦洵詩頌篇名鑠美也言美武王能遵天之道須暗昧者惡積而後取之○洵音

酌於音烏鑠舒若反耆昧也耆致也致討於昧○耆音旨武曰無競惟烈武詩頌篇名烈業也言武

王兼弱取昧故成無疆之業撫弱耆昧以務烈所可也言當務從武王之功業撫而取之○孔疏

上言兼弱此云撫弱言其撫養而取之未必皆攻伐以求之也彘子曰不可先穀晉所以霸師

武臣力也今失諸侯不可謂力有敵而不從不可

謂武由我失霸不如死且成師以出聞敵彊而退

非夫也非文夫命為軍帥而卒以非夫唯羣子能我弗

為也以中軍佐濟佐彘子所帥也濟渡河知莊子曰此師殆哉莊子荀首

○知音 周易有之在師三三坎下坤上之臨三三兌下坤上臨師初六變而之臨

曰師出以律否臧凶此師卦初六爻辭律法否不也○否部鄙反執事順成爲

臧逆爲否今彘子逆命不順成故應不臧之凶衆散爲弱坎爲衆今變爲兌兌柔弱川壅爲

澤坎爲川今變爲兌兌爲澤是川見壅有律以如已也如從也法行則人從法法敗則散爲川則壅是失法之用從人之象故曰律否臧且律竭也竭敗也坎變爲兌是法敗○孔疏竭是水

涸之名坎爲水爲法水之竭似法之敗故云竭敗也不得整流則竭涸也○天於表反不行之謂臨水變爲澤乃成臨卦澤不行之物有帥而不

從臨孰甚焉此之謂矣譬彘子之違命亦不可行果遇必敗遇敵彘子

尸之主此禍雖免而歸必有大咎爲明年晉殺先穀傳韓獻子謂桓

子獻子韓厥曰彘子以偏師陷子罪大矣子爲元帥師不

用命誰之罪也失屬亡師爲罪已重不如進也今鄭屬楚

人同之不猶愈乎三軍皆敗則六卿同罪不得獨責元帥師遂濟楚子北師

次於邲邲鄭北地沈尹將中軍沈或作寢寢縣也今汝陰固始縣沈音審今固始縣屬河南汝寧府子

重將左子反將右將飲馬於河而歸子反公子側聞晉

師既濟王欲還嬖人伍參欲戰參伍奢之祖父令尹孫

叔敖弗欲曰昔歲入陳今茲入鄭不無事矣戰而

不捷參之肉其足食乎參曰若事之捷孫叔爲無

宣公

謀矣不捷參之肉將在晉軍可得食乎令尹南轅

反旆回車南鄉旆軍前大旗伍參言於王曰晉之從政者新未能

行令其佐先穀剛愎不仁未肯用命愎很也其三帥者

專行不獲欲專其所行而不得聽而無上眾誰適從聽彘子趙同趙括則為軍無上

令眾不知所從○適丁歷反此行也晉師必敗且君而逃臣若社稷

何王病之告令尹改乘轅而北之次于管以待之

晉師在敖部之間滎陽京縣東北有管城敖部二山在滎陽縣西北○故管城在鄭州北二里滎陽今開封府滎

澤縣縣西北有敖山乘去聲敖五刀反部苦交反鄭皇成使如晉師曰鄭之從楚社

稷之故也未有貳心楚師驟勝而驕其師老矣而

不設備子擊之鄭師為承承繼也○成雖律反使去聲楚師必敗彘

子曰敗楚服鄭於此在矣必許之欒武子曰武子欒書楚

自克庸以來在文十六年其君無日不討國人而訓之討治也

于民生之不易禍至之無日戒懼之不可以怠于曰也

易以政反在軍無日不討軍實而申儆之軍實軍器于勝之不可

保紂之百克而卒無後訓之以若敖蚡冒筭路藍

縷以啓山林若敖蚡冒皆楚之先君筭路柴車藍縷敝衣言此二君勤儉以啓土○蚡扶粉反○孔疏楚世家云熊罥卒子熊

儀立是為若敖若敖卒子霄敖立霄敖卒子熊昭立是為蚡冒蚡冒卒弟熊達立是為楚武王按杜注文十六年傳蚡冒楚武王父不從史記也筭路以

荆竹編車藍縷服虔云言其縷破藍藍然箴之曰民生在勤勤則不匱不可謂

驕箴先大夫子犯有言曰師直為壯曲為老我則

不德而徼怨于楚我曲楚直不可謂老不德謂以力爭諸侯徼要也

其君之戎分為二廣君之親兵。廣古曠反。楚乘車名廣有一卒卒偏

之兩十五乘為一廣。司馬法百人為卒二十五人為兩車十五乘為大偏今廣十五乘亦用舊偏法復以二十五人為承副。邵氏寶曰楚人易古

備法而為廣廣有百人故曰一卒一卒之外又有餘卒二十五人為承副其數如偏法之有兩也右廣初駕數及日

中左則受之以至于昏內官序當其夜內官近官序次也。孔疏為次

序以當其夜若今宿直遞持更也以待不虞不可謂無備子良鄭之良

也師叔楚之崇也師叔潘尪為楚人所崇貴師叔入盟子良在楚楚

鄭親矣來勸我戰我克則來不克遂往以我卜也

鄭不可從趙括趙同曰率師以來唯敵是求克敵

得屬又何侯必從彘子得屬服鄭知季曰原屏咎之徒也

知季莊子也原趙同屏趙括徒黨也。知音智荀首後為知氏屏步丁反趙莊子曰欒伯善哉莊子欒伯

武子實其言必長晉國實猶充也言欒書之身行能充此言則當執晉國之政也。長丁文反行去聲楚

少宰如晉師少宰官名曰寡君少遭閔凶不能文閔憂也聞二

先君之出入此行也二先君楚成王穆王將鄭是訓定豈敢求

罪于晉二三子無淹久淹留也隨季對曰昔平王命我

先君文侯曰與鄭夾輔周室毋廢王命今鄭不率

也寡君使羣臣問諸鄭豈敢辱侯人侯人謂伺候望敵者敢拜

君命之辱。彘子以為諂，使趙括從而更之。曰：行人

失辭。言誤對寡君使羣臣遷大國之迹於鄭。遷徙也曰：無辟

敵。羣臣無所逃命。楚子又使求成于晉。晉人許之。

盟有日矣。有期日楚許伯御樂伯，攝叔為右，以致晉師。

單車挑戰又示不欲崇和以疑晉之羣帥。挑徒了反。孔疏：周禮環人掌致師，鄭玄云：致其必戰之志，則致師者，致已欲戰之意於敵人，故單車揚威武以挑之，挑彼晉師，故言以致晉師。

許伯曰：吾聞致師者，御靡旌，摩壘而

還。靡旌，驅疾也。摩，近也。樂伯曰：吾聞致師者，左射以箠。

左車左也。箠，射音石，下同。箠音鄒。代御執轡，御下兩馬，掉鞅而還。

兩飾也。掉，正也。示閒暇。掉徒，飾馬者，謂隨宜刷刮。攝叔曰：吾聞致師者，右入壘，折馘。

折馘，折耳也。

執俘而還，皆行其所聞而復。晉人逐之，左右角之。

張兩角，從旁夾攻之。樂伯左射馬而右射人，角不能進，矢一而

已。麋興於前，射麋麗龜。麗，著也。龜，背之隆高。當心者。著，直略反。晉鮑癸當其

後，使攝叔奉麋獻焉。曰：以歲之非時，獻禽之未至，

敢膳諸從者。鮑癸止之，曰：其左善射，其右有辭。君

子也。既免。止不復逐。晉魏錡求公族未得。錡，魏犇子，欲為公族大夫。錡，魚綺反。而

怒，欲敗晉師，請致師，弗許。請使許之，遂往。請戰而

還。楚潘黨逐之。及滎澤，見六麋，射一麋以顧獻。曰：

子有軍事，獸人無乃不給於鮮，敢獻於從者。滎澤在滎陽縣。

東新殺為鮮見六得一言其叔黨潘黨叔黨命去之潘廷之子趙旃求卿

未得穿子且怒於失楚之致師者請挑戰弗許請召

盟許之與魏錡皆命而往卻獻子曰二憾往矣獻子

弗備必敗彘子曰鄭人勸戰弗敢從也楚人求成

弗能好也師無成命多備何為士季曰備之善若

二子怒楚楚人乘我喪師無日矣乘猶登也不如備之楚

之無惡除備而盟何損於好若以惡來有備不敗

且雖諸侯相見軍衛不徹警也徹去也彘子不可不肯設備士

季使鞏朔韓穿帥七覆于敖前帥將也覆為伏兵七處○覆扶又反故上

軍不敗趙嬰齊使其徒先具舟于河故敗而先濟

潘黨既逐魏錡言魏錡見逐而退趙旃夜至於楚軍二人雖俱受命而行不相

隨趙旃在後至席於軍門之外使其徒入之布席坐示無所畏也○孔疏使已從人入壘以

取停楚子為乘廣三十乘分為左右右廣雞鳴而駕

日中而說說舍也○乘去聲說舒銳反左則受之日入而說許偃御

右廣養由基為右彭名御左廣屈蕩為右楚王更迭載之故各

有御乙卯王乘左廣以逐趙旃趙旃弃車而走林屈

蕩搏之得其甲裳下曰裳○搏音博晉人懼二子之怒楚師

也使軫車逆之軫車兵車名○軫徒温反○軾車屯守之車潘黨望其塵使騁而

告曰。晉師至矣。楚人亦懼王之入晉軍也。遂出陳。孫叔曰。進之。寧我薄人。無人薄我。詩云。元戎十乘。

以先啓行。先人也。元戎戎車在前也。詩小雅言王者軍行必有戎車十乘在前開道先人為備。陳去聲。薄迫也。

先人去聲下同軍志曰。先人有奪人之心。薄之也。奪敵戰心遂疾進。

師車馳卒奔。乘晉軍。桓子不知所為。鼓於軍中曰。

先濟者有賞。中軍下軍爭舟。舟中之指可掬也。兩手曰掬

晉師右移。上軍未動。言餘軍皆移去。惟上軍在。經所以書戰言猶有陳。孔疏。晉之三軍。上軍在左。中軍在中。

下軍在右。言晉之中軍下軍敗走。在上軍之右者皆移。惟上軍未動。工尹齊將右拒卒以逐下軍。

工尹齊楚大夫。右拒。陳名。拒音矩。下同。楚子使唐狡與蔡鳩居告唐惠侯。二子楚大

夫唐屬楚之小國。義陽安昌縣東南有上唐鄉。今汝寧府確山縣古安昌地。曰。不穀不德而貪。以遇

大敵。不穀之罪也。然楚不克。君之羞也。敢藉君靈

以濟楚師。藉猶假借也。使潘黨率游闕四十乘。游車補闕者從唐

侯以為左拒。以從上軍。駒伯曰。待諸乎。駒伯郤克。隨上軍佐也。隨

季曰。楚師方壯。若萃於我。吾師必盡。萃集也。不如收而

去之。分謗生民。不亦可乎。同奔為分謗。不戰為生民。殿其卒而退。不

敗。以其所將卒為君後殿。王見右廣。將從之。乘屈蕩戶之。曰。君以

此始。亦必以終。戶止。軍中易乘則恐軍人惑。顧氏炎武曰。古人以守戶之人謂之戶者。取其能止人也。漢書樊噲傳。

詔戶者無得入羣臣。王嘉傳。坐戶殿門失關。免唐書李紳傳。擊大毬。戶官道車馬不敢前。皆此意也。自是楚之乘廣

先左

以乘左得勝故。孔疏桓八年傳云楚人尚左君必左者謂置車尚左故君在左此言先左謂乘廣先左耳上文且云右廣初駕日中乃

授左廣則舊法先乘右廣今楚王偶然乘左車以逐趙旃因是而得戰勝以為宜乘左廣自是以後乘廣先左以乘左得勝故也 晉人或

以廣隊不能進

廣兵車。隊直類反。孔疏此言晉人廣隊下云拔旃投衡軍行則旃在軍前不是車皆有旃也此蓋是晉

人在軍之前

楚人甚之脫肩

甚教也。肩車上兵闌。其其器反。肩古熒反。孔疏肩蓋橫木車前以約車上

之兵器慮其落也隊坑則橫木有礙故不能進

少進馬還又甚之拔旃投衡乃出

還便旋不進旃大旗也拔旃投衡上使不帆風差輕。帆凡劍反

顧曰吾不如大國之數奔也

趙旃以其良馬二濟其兄與叔父以他馬反遇敵

不能去弃車而走林逢大夫與其二子乘

逢氏。數音朔逢音龐乘

去

謂其二子無顧

不欲見趙旃

顧曰趙叟在後

叟老稱也。叟音叟 怒

之使下指木曰尸女於是授趙旃綏以免明日以

表尸之

表所指木取其尸

皆重獲在木下

兄弟累尸而死。重平聲

楚熊負羈

囚知螢知莊子以其族反之

負羈楚大夫知螢知莊子之子族家兵反還戰。螢於耕反

廚武子御

武子魏錡

下軍之士多從之

知莊子下軍大夫故

每射抽矢

敢納諸廚子之房

抽擢也。敢好箭房箭舍

廚子怒曰非子之求而

蒲之愛

蒲楊柳可以為箭

董澤之蒲可勝既乎

董澤澤名河東聞喜縣東北有董池陂既

盡也。勝音升。董澤今屬山西平陽府

知季曰不以人子吾子其可得乎吾

不可以苟射故也射連尹襄老獲之遂載其尸射

公子穀臣囚之以二者還

穀臣楚王子射音石

及昏楚師軍於

邲晉之餘師不能軍

不能成營屯

宵濟亦終夜有聲

言其兵眾將不

能用。顧氏炎武曰。言其軍置無復部伍。

丙辰楚重至於邲

重輜重也。孔疏輜重載物之車。輜重載器物糧食常在

君後故乙卯日戰。丙辰始至於邲也。

遂次于衡雍。潘黨曰：君盍築武軍

築

營以彰武功。雍去聲。

而收晉尸以為京觀

積尸封土其上謂之京觀。觀去聲。

臣聞克

敵必示子孫以無忘武功。楚子曰：非爾所知也。夫

文止戈為武

文

武王克商作頌曰：載戢干戈，載櫜

弓矢

戢藏也。櫜韜也。詩美武王能誅滅暴亂而息兵。

我求懿德，肆于時夏。允王保

之

肆遂也。夏大也。言武王既息兵又求美德故遂大而信王保天下。

又作武其卒章曰：耆定

爾功

武頌篇名耆致也。言武王誅紂致定其功。耆音旨。

其三曰：鋪時繹思，我祖惟

求定

其三三篇鋪布也。繹陳也。時是也。思辭也。頌美武王能布政陳教使天下歸往求安定。

其六曰：綏萬

邦，屢豐年

其六六篇綏安也。屢數也。言武王既安天下數致豐年。此三六之數與今詩頌篇次不同。蓋楚樂歌之次第。

夫

武禁暴戢兵，保大定功，安民和眾，豐財者也

此武七德故

使子孫無忘其章

著之篇章使子孫不忘

今我使二國暴骨暴

矣，觀兵以威諸侯，兵不戢矣。暴而不戢，安能保大

猶有晉在焉，得定功所違，民欲猶多，民何安焉。無

德而強爭諸侯，何以和眾利人之幾

幾危也。暴骨蒲卜反。強其文反。

而安人之亂，以為已榮，何以豐財

兵動則年荒

武有七德

我無一焉，何以示子孫。其為先君宮告成事而已

祀先君告戰勝武非吾功也古者明王伐不敬取其鯨鯢而

封之以為大戮於是乎有京觀以懲淫慝鯨鯢大魚名以喻不

義之人吞食小國今罪無所而民皆盡忠以死所犯也

君命又何以為京觀乎祀于河作先君宮告成事

而還傳言楚莊有禮所以遂與是役也鄭石制實入楚師將以分

鄭而立公子魚臣辛未鄭殺僕叔及子服僕叔魚臣也子服石制也

所謂毋怙亂者謂是類也言恃人之亂以要利詩曰亂離瘼矣

爰其適歸詩小雅離憂也瘼病也爰於也言禍亂憂病於何所歸乎歎之瘼音莫歸於怙亂者

也夫恃亂則禍歸之鄭伯許男如楚為十四年晉伐鄭傳秋晉師歸桓子

請死晉侯欲許之士貞子諫曰不可貞子士渥濁城濮之

役晉師三日穀在僖二十八年文公猶有憂色左右曰有喜

而憂如有憂而喜乎言憂喜失時公曰得臣猶在憂未歇

也歇盡也困獸猶鬪况國相乎及楚殺子玉子玉得臣公喜而

後可知也喜見於顏色曰莫余毒也已是晉再克而楚再

敗也楚是以再世不競成王至穆王今天或者大警晉也

而又殺林父以重楚勝其無乃久不競乎林父

之事君也進思盡忠退思補過社稷之衛也若之

也警戒也

宣公

宣公

宣公

宣公

宣公

何殺之夫其敗也如日月之食焉何損於明晉侯使復其位言晉景所以不失霸

○冬楚子伐蕭宋華椒以蔡人救蕭蕭人囚熊相

宜僚及公子丙王曰勿殺吾退蕭人殺之王怒遂

圍蕭蕭潰申公巫臣曰師人多寒王巡三軍拊而

勉之拊撫慰勉之拊音撫三軍之士皆如挾纊纊綿也言說以忘寒○纊音曠遂傳

於蕭還無社與司馬卯言號申叔展還無社蕭大夫司馬卯申叔展皆楚

大夫也無社素識叔展故因卯呼之○傳音附還音旋號平聲下同叔展曰有麥麴乎曰無有

山鞠窮乎曰無麥麴鞠窮所以禦濕欲使無社逃泥水中無社不解故曰無麴中不敢正言故謬語○麴去六反鞠起

弓反麥麴作酒之物芎藭藥艸之名河魚腹疾奈何叔展言無禦濕藥將病曰目於矧井

而拯之無社意解欲入井故使叔展視虛廢井而求拯已出溺為拯○矧烏丸反廢井也字林云井無水也若為茅

經哭井則已叔展又教結茅以表井須哭乃應以為信○經直結反已音紀○孔疏無社既解其意令展視井拯已但廢井

必多不可知處故教無社令結茅為經置于井上又恐無社錯應他人更教之云若號哭向井則是我之己身已展叔自謂也明日蕭

潰申叔視其井則茅經存焉號而出之號哭也傳言蕭人無守心

○晉原穀宋華椒衛孔達曹人同盟于清邱原穀先穀○孔

疏按傳先軫或稱原軫此蓋先軫之後也原其上世所食於時趙氏有原同蓋分原邑而共食之也曰恤病討貳於

是卿不書不實其言也宋伐陳衛救之不討貳也楚伐宋晉不救不恤病也○劉氏敞曰春秋之世不

實其言者眾矣奚獨此耶宋為盟故伐陳陳貳子楚故衛人救之孔達曰

先君有約言焉。若大國討我，則死之。

衛成公與陳共公，有舊好，故孔達欲

背盟救陳而以死謝晉。為十四年衛殺孔達傳。

經十有三年春，齊師伐莒。○夏，楚子伐宋。○秋，螽

無傳為災故書。○冬，晉殺其大夫先穀。書名以罪討。

傳十三年春，齊師伐莒。莒恃晉而不事齊，故也。

○夏，楚子伐宋，以其救蕭也。救蕭在前年。君子曰：清邱之

盟，唯宋可以免焉。宋討陳之貳，今宋見伐，晉衛不顧盟以恤宋，而經同貶宋大夫，傳嫌華榭之罪累及其國，故曰唯宋可以免。

○秋，赤狄伐晉，及清，先穀召之也。邲戰不得志，故名狄欲為變清，一名清原。今

山西平陽府稷山縣西北二十里有清原城。

冬，晉人討邲之敗，與清之師，歸罪於先穀而殺之，盡滅其族。君子曰：惡之來也，已則

取之，其先穀之謂乎。盡滅其族為誅已甚，故曰惡之來也。

○清邱之盟，晉以衛之救陳也，討焉。尋清邱之盟以責衛。使人

弗去，曰：罪無所歸，將加而師。孔達曰：苟利社稷，請

以我說。欲自殺以說晉。○使去聲。罪我之由，我則為政，而亢大國之

討，將以誰任？亢，禦也。謂禦宋討陳也。大國指晉，宋為晉討也。我則死之。為明年殺孔達傳。

經十有四年春，衛殺其大夫孔達。書名背盟于大國，罪之。○家氏鉉翁曰：據傳孔

達自以其身紆國患，然達為政而背清，邱之盟救陳，諂楚，謂之無罪，不可也。○夏五月壬申，曹伯壽

卒

無傳文十四年盟新城

○晉侯伐鄭○秋九月楚子圍宋○葬

曹文公

無傳

○冬公孫歸父會齊侯于穀

傳十四年春孔達縊而死衛人以說于晉而免

以殺

告故免于伐

遂告于諸侯曰寡君有不令之臣達構我敝

邑于大國既伏其罪矣敢告

諸殺大夫亦皆告

衛人以為成

勞復室其子

以有平國之功故以女妻之

使復其位

襲父祿位

○夏晉侯伐鄭為邲故也

晉敗於邲鄭遂屬楚

告於諸侯蒐焉

而還

蒐簡閱車馬

中行桓子之謀也曰示之以整使謀而

來鄭人懼使子張代子良于楚

十二年子良質於楚子張穆公孫

鄭伯

如楚謀晉故也鄭以子良為有禮故召之

有讓國之禮

○楚子使申舟聘于齊曰無假道于宋

申舟無畏

亦使公

子馮聘于晉不假道于鄭申舟以孟諸之役惡宋

文十年楚子田孟諸無畏扶宋公僕○馮皮冰反惡去聲

曰鄭昭宋聾

昭明也聾闇也

晉使不害我

則必死王曰殺女我伐之見犀而行

犀申舟子以子託王示必死

及

宋宋人止之華元曰過我而不假道鄙我也鄙我

亡也

以我比其邊鄙是與亡國同

殺其使者必伐我伐我亦亡也亡

一也乃殺之楚子聞之投袂而起

投振也袂袖也

屨及於室

皇

室皇寢門闕○室直結反

劍及於寢門之外車及於蒲胥之市

郟

曰寢門之外遠于室皇蒲胥之市遠于寢門之外履人進履追而及于室
皇前此未及履也劍人進劍追而及于寢門之外前此未及劍也車人駕
車追而及于蒲胥之市前此未及車也蓋與師之速如此

○冬公孫歸父會齊侯于穀見晏桓子與之言魯

樂桓子告高宣子桓子晏嬰父宣子高固曰子家其亡

乎懷於魯矣子家歸父字懷思也懷必貪貪必謀人謀人人亦

謀已一國謀之何以不亡為十八年歸父奔齊傳

○孟獻子言於公曰臣聞小國之免於大國也聘

而獻物物玉帛皮幣也於是有庭實旅百主人亦設邊豆百品實於庭以答賓朝而

獻功獻其治國若征伐之功於牧伯於是有容貌采章嘉淑而有加貨

容貌威儀容顏也采章車服文章也嘉淑令辭稱讚也加貨命宥幣帛也言往共則來報亦備謀其不免也誅

而薦賄則無及也薦進也見責而往則不足解罪今楚在宋君其圖之

公說為明年歸父會楚子傳

經十有五年春公孫歸父會楚子于宋○夏五月

宋人及楚人平平者總言二國和故不書其人六月癸卯晉師滅赤狄

潞氏以潞子嬰兒歸潞赤狄之別種潞氏國故稱氏子爵也林父稱師從告○今山西潞安府潞城縣東

北四十里有古潞城○秦人伐晉無傳○王札子殺召伯毛伯稱殺者名兩下

相殺之辭兩下相殺則殺者有罪○秋螽無傳○仲孫蔑會齊

高固于無婁無傳無婁杞邑○初稅畝公田之法十取其一今又履其餘畝復十收其

一故哀公曰：「吾猶不足遂以為常。」故曰初。○冬，螽生。螽子以冬生，遇寒而死。故不成螽。○螽，悅全反。○饑。風雨不和。

傳十五年春，公孫歸父會楚子于宋。

終前年傳。○胡傳楚子不假道于宋。

以啟釁端而圍之。陵茂諸侯甚矣。諸侯縱不能存先代之後，嚴兵固圍以為聲援，猶之可也。乃以周公之裔，千乘之國，謀其不免，至于薦賄，不亦鄙乎。

○宋人使樂嬰齊告急于晉。晉侯欲救之。伯宗曰：

「不可。」伯宗，晉大夫。古人有言曰：「雖鞭之長，不及馬腹。」言非所擊。天

方授楚，未可與爭。雖晉之彊，能違天乎？諺曰：「高下

在心。」度時制宜。川澤納汙，受汙濁。山藪藏疾，山之有林藪，毒害者居之。瑾瑜匿瑕，匿亦藏也。雖美玉之質，亦或居藏瑕穢。○瑾，其漸反。瑜，羊朱反。國君含垢，忍垢恥。○垢或作詬。天之道也。

晉侯恥不救宋，故伯宗為說小惡，不損大德之喻。君其待之。待楚衰。乃止。使解揚如宋。

使無降楚。曰：「晉師悉起，將至矣。鄭人囚而獻諸楚。」

楚子厚賂之，使反其言。反言，晉不救。○解音蟹。不許。三而許之。登

諸樓車，使呼宋人而告之。樓車，車上望櫓。遂致其君命。楚子

將殺之，使與之言曰：「爾既許不穀而反之，何故？非

我無信，女則弃之。速即爾刑。」對曰：「臣聞之，君能制

命為義，臣能承命為信。信載義而行之，為利。謀不

失利，以衛社稷，民之主也。義無二信。欲為義者，不行兩信。信無

二命。欲行信者，不受二命。君之賂臣，不知命也。受命以出，有死

無實

實廢隊也。實于敏反。

又可賂乎。臣之許君以成命也。

成其君命死。

而成命。臣之祿也。寡君有信臣。

已不廢命。

下臣獲考。

考成也。死。

又何求。楚子舍之以歸。夏五月。楚師將去宋。

在宋積九月不。

能服宋故。

申犀稽首於王之馬前。曰：母畏知死而不敢廢。

王命王弃言焉。王不能答。

未服宋而去。故曰弃言。

申叔時僕。

僕御也。曰。

築室反耕者。宋必聽命。從之。

築室於宋。分兵歸田。示無去志。王從其言。

宋人懼。

使華元夜入楚師。登子反之牀。起之。曰：寡君使元

以病告。

兵法因其鄉人而用之。必先知其守將。左右謁者門者。舍人之姓名。因而利道之。華元蓋用此術。得以自通。

曰：敝

邑易子而食。析骸以爨。

爨。炊也。骸。戶。皆反。爨。七。亂。反。

雖然。城下之盟。

有以國斃。不能從也。

寧以國斃。不從。城下盟。

去我三十里。唯命是

聽。子反懼。與之盟。而告王。退三十里。宋及楚平。華

元為質。盟曰：我無爾詐。爾無我虞。

楚不詐。宋不備。楚盟不書。不告。

○潞子嬰兒之夫人。晉景公之姊也。酆舒為政而

殺之。又傷潞子之目。

酆舒。潞相。

晉侯將伐之。諸大夫皆曰：

不可。酆舒有三雋才。

雋。絕異也。言有才藝。勝人者三。雋音俊。

不如待後之人。

伯宗曰：必伐之。狄有五罪。雋才雖多。何補焉。不祀

一也。耆酒。二也。弃仲章而奪黎氏地。三也。

仲章。潞賢人。也。黎氏。黎侯。

國上黨壺關縣有黎亭。○老且與嗜同。今潞安府長治縣西三十里有黎侯亭。

虐我伯姬。四也。傷其君

目五也。怙其雋才，而不以茂德。茲益罪也。後之人

或者將敬奉德義以事神人，而申固其命。審其政令若之

何待之，不討有罪。曰：將待後，後有辭而討焉。毋乃

不可乎？夫恃才與眾，亡之道也。商紂由之，故滅也。由用也

天反時為災。寒暑易節地反物為妖。羣物失性民反德為亂。亂

則妖災生。故文反正為乏。文字。孔疏：人反德則妖災生。妖災生則國亡滅，是乏絕之道也。按說文

乏篆作丑盡在狄矣。晉侯從之。六月癸卯，晉荀林父敗赤

狄于曲梁。辛亥，滅潞。曲梁，今廣平曲梁縣也。書癸卯從赴。曲梁故城在今直隸廣平府永年縣東北。

酈舒奔衛，衛人歸諸晉，晉人殺之。胡傳：夫伐國之要討其罪人斯止矣。為晉討

者執酈舒，繫諸市，立黎侯，安定潞子，改紀其政，而返則諸狄服，疆域安矣。今乃利狄之土，滅潞氏，以其君歸何義乎？

○王孫蘇與召氏、毛氏爭政。三人皆王卿士使王子捷殺召

戴公及毛伯衛。王子捷，即王札子卒立召襄。襄，召戴公之子

○秋七月，秦桓公伐晉，次于輔氏。晉地。今陝西西安府朝邑縣西北十三里有

城。輔氏壬午，晉侯治兵于稷，以畧狄土。畧，取也。稷，晉地。河東聞喜縣西有稷山。壬午，七

月二十九日。晉時新破狄土地未安，權秦師之弱，故別遣魏顆距秦而東行。定狄地。今山西平陽府稷山縣南五十里有稷神山。山下有稷亭，即晉侯

治兵處立黎侯而還。狄奪其地，故晉復立之及雒，魏顆敗秦師于輔氏

晉侯還及雒也。雒，晉地。○顆，苦果反。獲杜回。秦之力人也。初，魏武子有嬖

妾，無子。武子疾，命顆曰：必嫁是。武子，魏驥之父疾病，則曰：

必以為殉。及卒，顛嫁之。曰：疾病則亂，吾從其治也。

及輔氏之役，顛見老人，結草以亢杜回。亢，禦也。杜回躓

而顛故獲之，夜夢之，曰：余而所嫁婦人之父也。而女也。

也。躓，賸也。賸，反。爾用先人之治命，余是以報。傳舉此以示教。

○晉侯賞桓子狄臣千室，亦賞士伯以瓜衍之

縣。士伯，士貞子。今山西汾州府孝義縣北十里有瓜城。曰：吾獲狄土子之功也。微

子吾喪伯氏矣。伯植子，字邲之敗，晉侯將殺林父，士伯諫而止。羊舌職說是賞也。

職，叔向父。說音悅。曰：周書所謂庸庸、祗祗者，謂此物也。夫周

康誥庸用也，祗敬也，物事也。言文王能用可用，敬可敬。士伯庸中行，伯言中行，君信之亦

庸士伯，此之謂明德矣。文王所以造周，不是過也。

故詩曰：陳錫載周，能施也。錫，賜也。詩大雅言文王布陳大利以賜天下，故能載行周道，福流子孫。

施去聲。率是道也，其何不濟。

○晉侯使趙同獻狄俘于周，不敬。劉康公曰：不及

十年，原叔必有大咎。劉康公，王季子也。原叔，趙同也。天奪之魄矣。心之精爽是謂

魂魄。為成八年。晉殺趙同傳。

○初，稅畝，非禮也。穀出，不過藉。周法民耕百畝，公田十畝，借民力而治之，稅不過此。

以豐財也。

○冬，螽生，饑幸之也。螽，未為災而書之者，幸其冬生，不為物害。時歲雖饑，猶喜而書之。○孫氏覺曰：螽者，

蝻之子春秋之秋夏時之夏也春秋之冬夏時之秋也蝻為災于夏而蠧生于秋一歲而再為災故謹志之爾左氏公羊皆曰幸之以蠧生于冬物皆已收而不為災也按秋乃五穀大成之時安得

其名曰友在公之右間于兩社為公室輔季氏亡則魯不昌 同復于父故如君所

丙之長龍尾伏辰均服振振取號之旂鷄之責責天采煇煇火中成軍號公其奔信子 曰拾壹式

尚無瑕何恤乎無家商之陸

之渝據公之輸一薰一蕕十年尚猶有臭信子 曰拾壹式

乘三去三去之餘獲其雄狐信子 曰拾壹式

無始禍無怙亂無重怒

到羊亦無益也女承筐亦無貺也西鄰責言不可償也歸妹之睽猶无相也震之離六離之震為雷為火為羸敗姬車

脫說其輶火焚其旗不利行師敗于宗上歸妹睽孤冠張之孤怪其從姑六年其遁逃歸其國而棄其家明年其

死于高梁之虛月

夫無罪懷璧其罪 拾壹

天隨之中其樂也融融 大隨之外其樂也泄洩洩 既反 上壹

東田每每舍其舊而新是謀信子 曰拾壹

勇則害上不登于明堂 虎馬而縱尋斧馬 夫七

畏首畏尾身其餘幾 文十七

聖廣淵明允篤誠 掩養隱賊奸行凶德醜類惡物頑嚚不友是與比周 服讒苞慝以誣感德 文十八

不極殺國子莫余敢至止伯廿五 折 文十九

門之哲實與我役邑中之監實慰我心竟十七

鳳于飛 和鳴鏘鏘有德之後將育于姜五世其昌并于正卿八世之後莫之與京 文二十

孤之孤表敗我于孤駘我君子未儒是使朱儒朱儒使我敗于邾 文二十一

禮義不愆何恤于人言 文二十二

我衣冠而褚之取我田疇而伍之孰殺子產吾其與之 我有子弟子產侮之我有田疇子產殖之子產而死誰其嗣之 文二十三

恤恤乎秋乎攸乎深思而淺謀通身而遠志家臣而君圖有人矣哉 昭十二年 文二十四

謙不足飛不翔垂不峻翼不廣 文二十五

我無所監復后及商用亂之故民卒流亡 昭十二年 文二十六

惟彼陶唐 邈彼天常 有莘其方 今夫其行 亂其紀綱 乃滅而亡 非我族類 其心必異 昭十二年 文二十七

人之謂也

則國無幸以... 宣公

蝻之子春秋之秋夏時之夏也春秋之冬夏時之秋也蝻為災于夏而蝻生于秋一歲而再為災故謹志之爾左氏公羊皆曰幸之以蠧生于冬物皆已收而不為災也按秋乃五穀大成之時安得曰不為災乎但生而不為災亦何用書之

經十有六年春王正月晉人滅赤狄甲氏及留吁

甲氏留吁赤狄別種晉既滅潞氏今又并盡其餘黨士會稱人從告○水經注云絳水經屯留故城即故留吁國今山西潞安府屯留縣南十三里純留故城是也

○夏成周宣榭火傳例曰人火之也成周洛陽宣榭講武屋別在洛陽者爾雅曰無室曰榭謂屋歇前○范氏甯曰宣榭宣王之榭孔疏爾雅釋宮云無室曰榭又云閣謂之臺有木者謂之榭李巡曰臺積土為之所以觀望臺上有屋謂之榭則榭是臺上之屋居臺而臨觀講武故無室而歇

○秋郊伯姬來歸○冬大有

傳十六年春晉士會帥師滅赤狄甲氏及留吁

辰鐸辰不書留吁之屬○當在潞安府境三月獻狄俘獻于王也晉侯請于王戊申

以黻冕命士會將中軍且為大傅代林父將中軍且加以大傅之官黻冕命卿之

服大傅孤卿○孔疏禮命臣者皆賜之以服使服而受命傳言以黻冕者黻冕是命孤卿之服故以之命士會也天子大傅三公之官諸侯大傅孤卿之官周禮典命云公之孤四命鄭眾云九命上公得置孤卿一人春秋時晉為霸主侯亦置孤卿文六年有大傅陽子大師賈佗則晉嘗置二孤於

是晉國之盜逃奔于秦羊舌職曰吾聞之禹稱善

人稱舉也不善人遠此之謂也夫詩曰戰戰兢兢如臨

深淵如履薄冰善人在上也言善人居位則無不戒懼○遠去聲善人在上

則國無幸民諺曰民之多幸國之不幸也是無善

人之謂也

○夏成周宣榭火人火之也凡火人火曰火天火曰災

○秋鄭伯姬來歸出也

○為毛召之難故王室復亂毛召難在前年王孫蘇犇晉

人復之毛召之黨欲討蘇氏故出奔

○冬晉侯使士會平王室定王享之原襄公相禮

原襄公周大夫相佐也穀烝烝升也升穀于俎。孔疏鄭詩箋云凡非穀而食之曰穀則穀是可食之名切肉為穀乃升于俎故謂之穀烝

武子私問其故享當體薦而穀烝故恠問之武士會謚季其字王聞之召武子曰

季氏而弗聞乎王享有體薦享則半解其體而薦之所以示其儉宴有折俎

體解節折升之于俎物皆可食所以示慈惠也公當享卿當宴王室之禮也公謂諸侯。孔

疏言諸侯親來則為之設享又設宴也享用體薦燕用折俎若使卿來雖為設享仍用公之燕法亦用折俎是王室待賓之禮也武子歸

而講求典禮以修晉國之法傳言典禮之廢久

經十有七年春王正月庚子許男錫我卒無傳再與文同盟

○丁未蔡侯申卒無傳未同盟而赴以名丁未二月四日○夏葬許昭公無傳

○葬蔡文公無傳○六月癸卯日有食之無傳不書朔官失之

己未公會晉侯衛侯曹伯邾子同盟于斷道斷道晉地。斷

音短○今山西沁州東有斷梁城 秋公至自會無傳○冬十有一月壬午公

弟叔肸卒傳例曰公母弟。肸文公子惠伯也。肸之子公孫嬰齊嬰齊之子叔老老之子叔弓弓之子叔鞅叔鞅之子叔詣叔弓

之曾孫
叔還

傳十七年春晉侯使卻克徵會于齊徵名也欲為斷道會齊頃

公帷婦人使觀之卻子登婦人笑於房跛而登階故笑之頃音傾跛

波可獻子怒出而誓曰所不此報無能涉河不復渡河而東獻

子先歸使樂京盧待命于齊曰不得齊事無復命

矣樂京盧卻克之介使得齊之罪乃復命卻子至請伐齊晉侯弗許請以其

私屬又弗許私屬家衆也為成二年戰于鞏傳鞏音安齊侯使高固晏弱蔡

朝南郭偃會晏弱桓子及斂孟高固逃歸聞卻克怒故夏會于斷

道討貳也盟于卷楚卷楚即斷道卷音權辭齊人晉人執晏弱

于野王執蔡朝于原執南郭偃于温執三子不書非卿野王縣今屬河內今

為河南懷慶府治苗賁皇使見晏桓子賁皇楚鬬榘之子楚滅鬬氏而奔晉食邑于苗地晏弱時在野

王故因使而見之賁扶云反使去聲歸言於晉侯曰夫晏子何罪昔者諸

侯事吾先君皆如不逮言汲汲也舉言羣臣不信諸侯皆

有貳志舉亦皆也齊君恐不得禮不見禮待故不出而使四子來

左右或沮之沮止也曰君不出必執吾使故高子及斂

孟而逃夫三子者曰若絕君好寧歸死焉為是犯

難而來吾若善逆彼彼齊三人以懷來者吾又執之以信

齊沮吾不既過矣乎過而不改而又久之以成其

悔何利之有焉

○言三子見執齊人必有悔遣使之心今又久之必將背晉

使反者得辭

反者高固謂得不當來之辭

而害來者以懼諸侯將焉用之晉人緩

之逸

緩不拘執使得逃去也傳言晉不能修禮諸侯所以貳

○秋八月晉師還范武子將老

老致仕初受隨故曰隨武子後更受范復為范武子

召文子曰燮乎吾聞之喜怒以類者鮮

文子士會之子燮其名 易

者實多

易遷怒也

詩曰君子如怒亂庶遄沮君子如祉亂

庶遄已

詩小雅也遄速也沮止也祉福也

君子之喜怒以已亂也弗已

者必益之郤子其或者欲已亂於齊乎不然余懼

其益之也余將老使郤子逞其志庶有豸乎

豸解也欲使郤

子從政快志以止亂○豸直是反

爾從二三子唯敬

二三子晉諸大夫

乃請老郤

獻子為政

○冬公弟叔肸卒公母弟也凡犬子之母弟公在

曰公子不在曰弟

以兄為尊

凡稱弟皆母弟也

此策書之通例也庶弟不得稱

公弟而母弟或稱公子若嘉好之事則仍舊史之文惟相殺害然後據例以示義所以篤親親之恩崇友于之好釋例論之備矣○穀梁傳其曰公弟叔肸賢之也其賢之何也宣弑而非之也非之則胡為不去也曰兄弟也何去而之與之財則曰我足矣織屨而食終身不食宣公之食君子以是為通恩也以取貴乎春秋

經十有八年春晉侯衛世子臧伐齊

○齊不與于諸侯之會而伐之也

○公伐杞

無傳

○夏四月○秋七月邾人戕鄆子于

鄆傳例曰自外曰戕邾大夫就鄆殺鄆子。汪氏克寬曰。邾稱人蓋邾子也。使果微者則當書曰盜殺鄆子某。○甲戌楚

子旅卒未同盟而赴以名。吳楚之葬僭而不典。故絕而不書。同之夷蠻以懲求名之偽。○公孫歸父如

晉○冬十月壬戌公薨于路寢○歸父還自晉至

笙遂奔齊大夫還不書春秋之常也。今書歸父還奔善其能以禮退。不書族者非常所及。今特書略之。笙魯竟外故不言出。

傅十八年春晉侯衛太子臧伐齊至于陽穀齊侯

會晉侯盟于緇以公子彊為質于晉晉師還蔡朝

南郭偃逃歸晉既與齊盟守者解緩。故得逃。緇才陵反。

○夏公使如楚乞師欲以伐齊公不事齊齊與晉盟故懼而乞師于楚不書微者行。

○秋邾人戕鄆子于鄆凡自虐其君曰弑自外曰

戕弑戕皆殺也。所以別內外之名。弑者積微而起。所以相測量。非一朝一夕之漸。戕者卒暴之名。孔疏弑者試也。言臣下伺候間隙試犯其君。戕者殘也。言外人卒暴而來。殘賊殺害也。釋例曰列國之君而受害于臣子其所由者積微而起。所以相測量。非一朝一夕之漸。故改殺為弑。戕者卒暴之名。有國之君當重門設險而輕近暴客。變起倉卒亦因事而見戒也。

○楚莊王卒楚師不出既而用晉師成二年戰于鞏是。楚於

是乎有蜀之役在成二年冬蜀魯地泰山博縣西北有蜀亭。在今山東濟南府泰安州西。

○公孫歸父以襄仲之立公也有寵歸父襄仲子。欲去三

桓以張公室時三桓強公室弱故欲去之以張大公室。與公謀而聘于晉欲以

晉人去之冬公薨季文子言於朝曰使我殺適立

庶以失大援者仲也夫適謂子惡齊外甥襄仲殺之而立宣公。南通於楚既不能固又不能堅事齊晉。

庶以失大援者仲也夫適謂子惡齊外甥襄仲殺之而立宣公。南通於楚既不能固又不能堅事齊晉。

故云失大援也。○文子怨歸父，欲去三桓，故借此以為之罪。臧宣叔怒曰：當其時，不能治也。後之人何罪？子欲去之，許請去之。

宣叔文仲子，武仲父許，其名也。時為司寇。

遂逐東門氏。襄仲居東門，故曰東門氏。子家還及

笙。子家歸父字。壇帷復命於介。除地為壇而張帷，介副也將。既復命，

袒括髮。以麻約髮。即位哭，三踊而出。依在國喪禮設哭位，公薨故。遂奔齊，書

曰：歸父還自晉，善之也。

春秋左傳杜注卷第十一

春秋左傳杜注卷第十二

華亭姚培謙學

成公 名黑肱，宣公子，諡法安民立政曰成。

經元年春王正月，公即位。無傳。○二月辛酉，葬我君

宣公。無傳。○無冰。無傳。周二月，今之十月，而無冰，書冬溫。○三月作邱甲。周禮九夫為井。

四井為邑，四邑為邱，邱十六井，出戎馬一匹，牛三頭，四邱為甸，甸六十四井，出長轂一乘，戎馬四匹，牛十二頭，甲士三人，步卒七十二人。此甸所賦。今魯

使邱出之，譏重斂故書。○甸繩證反。○古甸乘同也。胡傳甸地方八里，旁加一里為成，所取于民者出長轂一乘，此司馬法一成之賦也。唐太宗問李靖楚

廣與周制如何，靖曰：周制一乘步卒七十二人，甲士三人，以二十五人為一甲，凡三甲共七十五人。然則一邱所出十有八人，積四邱而具一乘耳。今作邱

甲者，即邱出一甲，是一甸之中共百人為兵矣。張氏洽曰：每甲士統二十四人，必無增甲士而不增步卒之理。故知李靖所謂二十五人為一甲者，其考

周制詳矣李氏廉曰。○夏臧孫許及晉侯盟于赤棘。晉地○

秋王師敗績于茅戎。茅戎戎別種不言戰王者至尊天下莫之得校故以自敗為文不書敗地而書茅戎

明為茅戎所敗書秋從告。水經注大陽縣有茅亭故茅戎邑也。括地志茅戎在河北縣西二十里當在今山西平陽府平陸縣界。○冬

十月

傳元年春晉侯使瑕嘉平戎于王。平文十七年邲垂之役詹嘉處瑕故謂之瑕嘉

單襄公如晉拜成。單襄公王卿士謝晉為平戎劉康公徼戎將遂伐

之。康公王季子也戎平還欲要其無備。徼古堯反。孔疏單使來平不足伐也欲伐其國耳以未平之日設備禦周今既平矣戎必無備要其無

備將遂往伐之。叔服曰背盟而欺大國此必敗。叔服周內史背盟不

祥欺大國不義神人弗助將何以勝不聽遂伐茅

戎三月癸未敗績于徐吾氏。徐吾氏茅戎之別也。孔疏敗于徐吾之地也茅戎已是戎內

之別徐吾又是茅戎之內聚落之名王師與茅戎戰之處

○為齊難故作邱甲。前年魯乞師於楚欲以伐齊楚師不出故懼而作邱甲

○聞齊將出楚師夏盟于赤棘。與晉盟懼齊楚

○秋王人來告敗。解經所以秋乃書

○冬臧宣叔令修賦繕完。治完城郭具守備曰齊楚結好

我新與晉盟晉楚爭盟齊師必至雖晉人伐齊楚

必救之是齊楚同我也。同共知難而有備乃可以逞

逞解也為二年齊侯伐我傳。難去聲

經二年春齊侯伐我北鄙○夏四月丙戌衛孫良

夫帥師及齊師戰于新築衛師敗績新築衛地皆陳曰戰大崩曰敗績四

月無丙戌丙戌五月一日○今直隸大名府魏縣南二十里有新築城○六月癸酉季孫行父臧

孫許叔孫僑如公孫嬰齊帥師會晉郤克衛孫良

夫曹公子首及齊侯戰于鞏齊師敗績魯乞師於晉而不以與謀之例

者從盟主之令上行於下非匹敵和成之類例在宣七年曹大夫常不書而書公子首者首命於國備於禮成為卿故也鞏齊地○郤去逆反鞏音

安○按志云鞏即古之歷下則穀梁去國五百里之說非歷下今歷城縣屬山東濟南府○秋七月齊侯使國

佐如師己酉及國佐盟于袁婁穀梁曰鞏去齊五百里袁婁去齊五十里○張氏洽曰

臨淄縣西有袁婁今臨淄縣屬山東青州府○八月壬午宋公鮑卒未同盟而赴以名

庚寅衛侯速卒宣十七年盟于斷道○取汶陽田晉使齊還魯故書取

不以好得故不言歸○冬楚師鄭師侵衛子重不書不親伐○胡傳二國稱師著其眾也○十

有一月公會楚公子嬰齊于蜀公與大夫會不貶嬰齊者時有許蔡之君故○吳氏澂曰

楚用子重之謀以救齊為名加兵于魯衛魯納賂請平又約諸國會盟公先往會嬰齊不沒嬰齊之氏名者欲見其挾眾威魯而以臣伉君也季氏本曰

成公以周公之裔諸侯之望下與楚大夫會辱已甚矣何以善其後哉○丙申公及楚人秦人宋

人陳人衛人鄭人齊人曹人邾人薛人鄆人盟于

蜀齊在鄭下非卿傳曰卿不書置盟也然則楚卿於是始與中國準自此以下楚卿不書皆貶惡也

傳二年春齊侯伐我北鄙圍龍龍魯邑在泰山博縣西南頃公之嬖

人盧蒲就魁門焉攻龍門也龍人囚之齊侯曰勿殺吾與

而盟無入而封

封竟

弗聽殺而膊諸城上

膊磔也。膊普各反。去衣磔之。

方言云。膊曝也。

齊侯親鼓士陵城三日取龍遂南侵及巢邱

侵龍取巢邱不書其義未聞

○衛侯使孫良夫石稷甯相向禽將侵齊與齊師

遇

齊伐魯還相遇于衛地良夫孫林父之父石稷石碯四世孫甯相甯俞子。相去聲向舒亮反。

石子欲還孫子

曰不可以師伐人遇其師而還將謂君何

言無以答君

若

知不能則如無出今既遇矣不如戰也夏有

闕文失新築戰

事

石成子曰師敗矣子不少須眾懼盡

成子石稷也衛師已敗而孫良

夫復欲戰故成子欲使須救

子喪師徒何以復命皆不對

孔疏子者指斥孫子其言並

告諸將言皆不對者孫子與甯相向禽皆不對

又曰子國卿也隕子辱矣隕見禽獲子以

眾退我此乃止

我於此止禦齊師

且告車來甚眾

新築人救孫桓子故並告今軍中

齊師乃止次于鞫居

鞫居衛地。後漢志封邱有鞫亭即古鞫居也

新築人仲叔

于奚救孫桓子桓子是以免

于奚守新築大夫

既衛人賞之

以邑

賞子奚

辭請曲縣

軒縣也周禮天子樂宮縣四周諸侯軒縣。關南方。縣音懸。軒縣曲一面故謂之曲縣。

繁纓

以朝許之

繁纓馬飾皆諸侯之服。繁步干反。

仲尼聞之曰惜也不如多

與之邑唯器與名不可以假人

器車服名爵號

君之所司也

名以出信

名位不愆為民所信

信以守器

動不失信則車服可保

器以藏禮

所以表尊卑

禮以行義

尊卑有禮各得其宜

義以生利

得其宜則利生

利以平民

政之大節也。若以假人與人政也，政亡則國家從之，弗可止也已。孫桓子還於新築，不入國，遂如晉。

乞師，臧宣叔亦如晉，乞師皆主。郤獻子宣十七年，郤克至齊，為婦人所笑，遂怒，故魯衛因之。孫桓子，臧宣叔皆不以國命，各自詣郤克，故不書。

晉侯許之七百乘。五萬二千五百人。郤

子曰：「此城濮之賦也。」城濮在僖二十八年。有先君之明，與先大夫

之肅，故捷克於先大夫，無能為役。不中為之役使。請八百乘

許之。六萬人。郤克將中軍，士燮佐上軍。范文子代荀庚。欒書將下

軍。代趙朔。韓厥為司馬，以救魯衛。臧宣叔逆晉師，且道

之。宣叔乞師先歸，故往逆晉師，且為向導。季文子帥師會之，及衛地。韓獻子

將斬人，郤獻子馳將救之。至則既斬之矣。郤子使

速以徇，告其僕曰：「吾以分謗也。」不欲使韓氏獨受謗。師從齊師

于莘。莘齊地。六月壬申，師至于靡笄之下。靡笄山名。○笄音雞。○史記晉平公元年。

以君師辱於敝邑，不腆敝賦，詰朝請見。詰朝，平旦。○見賢遍反。對

曰：「晉與魯衛，兄弟也。來告曰：『大國朝夕釋憾於敝

邑之地。』大國謂齊。○敝邑，魯衛自稱。寡君不忍，使羣臣請於大國，無令

輿師淹於君地。輿，眾也。淹，久也。○令平聲。能進不能退，君無所辱命

言自欲戰，不復須君命。齊侯曰：「大夫之許，寡人之願也。若其不許，

言自欲戰，不復須君命。齊侯曰：「大夫之許，寡人之願也。若其不許，

亦將見也。齊高固入晉師，桀石以投人。桀，擔也。○擔，丁甘反。禽

之而乘其車。既獲其人，因釋已車而載所獲者車。繫桑本馬，以徇齊壘。將至

齊壘，以桑樹繫車而走，欲自異。曰：欲勇者，賈余餘勇。賈，買也。言已勇有餘，欲賣之。○賈，音古。癸酉

師陳于鞏，郤復御齊侯。逢丑父為右，晉解張御郤

克，鄭邱緩為右。齊侯曰：余姑翦滅此而朝食。姑，且也。○翦，盡也。

未絕鼓音，不介馬而馳之。介，甲也。○郤克傷於矢，流血及屨，

而矢貫余手及肘，余折以御。左輪朱殷，豈敢言病。

吾子忍之。張侯解張也。朱，血色。血色久則殷。殷音近烟。今人謂赤黑為殷色。言血多汗車輪，御猶不敢息。○殷於閑反。緩

曰：自始合，苟有險，余必下推車。子豈識之？然子病

矣。以其不識已推車。○推，他回反。張侯曰：師之耳目在吾旗鼓，進退從

之。此車一人殿之，可以集事。殿，鎮也。集成也。○殿，多練反。若之何其

以病敗君之大事也？擐甲執兵，固即死也。擐，貫也。即，就也。○擐，音患。

病未及死，吾子勉之。左并轡，右援枹而鼓。馬逸不

能止，師從之。晉師從郤克車。○枹，音浮。鼓槌也。○本亦作桴。解張并轡代郤克鼓也。齊師敗績，逐之

三周華不注。華不注，山名。○不音附。與詩鄂不韡韡之不同。謂花蒂也。言此山孤秀如華，附之著于水。在今濟南府城北。下有華泉。

韓厥夢子輿謂已曰：且辟左右。子輿，韓厥父。○辟，音避。故中御而

從齊侯。居中代御者自非元帥。御者皆在中將左。郤夏曰：射其御者，君子也。

成公

成公

成公

成公

成公

成公

公曰謂之君子而射之非禮也齊侯不知戎禮。射其

左越于車下越隊也射其右斃于車中。綦母張喪車從

韓厥曰請寓乘綦母張晉大夫寓寄也。綦母音其無乘去聲從左右皆肘之使

立於後以左右皆死不欲使立其處。以肘排退之韓厥俛定其右俛俯也右被射仆車中故俯安

隱之。俛音勉。孔疏言此者為下丑父與公易位由厥之俯故不覺其易綦母張蓋助厥定右故並不見之逢丑父與公

易位居公處將及華泉驂絰於木而止驂馬絰也。絰音卦丑父寢於

輶中輶士車。輶任產反卧車也。周禮士乘棧車考工記棧車欲奔奔者上狹下闊輶棧音義同蛇出於其下

以肱擊之傷而匿之故不能推車而及為韓厥所及丑父欲為右故匿

其傷韓厥執紼繫馬前繫馬絆也執之。示修臣僕之職再拜稽首奉觴加璧

以進進觴璧亦以示敬曰寡君使羣臣為魯衛請曰無令輿

師陷入君地本但為二國救請不欲乃過入君地謙辭下臣不幸屬當戎行無

所逃隱屬適也。屬音燭行音杭且懼奔辟而忝兩君臣辱戎士若奔則

為辱晉君并為齊侯羞故言二君此蓋韓厥自處臣僕謙敬之飾言。辟音避敢告不敏攝官承乏言欲以已

不敏攝承空乏從君俱還丑父使公下如華泉取飲鄭周父御左車

宛棧為右載齊侯以免佐車副車。宛紆元反棧扶發反韓厥獻丑父

卻獻子將戮之呼曰自今無有代其君任患者有

一於此將為戮乎。卻子曰人不難以死免其君我

戮之不祥赦之以勸事君者乃免之齊侯免求丑

父三入三出重其代已故三入晉軍求之呼去聲任音王每出齊師以帥退入于

狄卒齊師大敗皆有退心故齊侯輒出其眾以帥屬退者遂進入狄卒狄卒者狄人從晉討齊者狄卒皆抽戈楯冒

之以入于衛師衛師免之狄衛畏齊之強故不敢害齊侯皆共免護之楯食準反遂自

徐關入今淄川縣有古徐關齊侯見保者曰勉之齊師敗矣所過城邑

皆勉勵其守者辟女子使辟君也齊侯單還故婦人不辟之辟音避女子曰君免乎曰免

矣曰銳司徒免乎曰免矣銳司徒主銳兵者曰苟君與吾父

免矣可若何言餘人不復如何乃奔走辟君齊侯以為有禮先問君後問父

故既而問之辟司徒之妻也辟司徒主壘壁者辟音壁予之石窳

石窳邑名濟北盧縣東有地名石窳窳力救反隋初為盧縣之長清鎮尋置長清縣今仍之屬濟南府古城在縣東南三十里晉師

從齊師入自邱輿擊馬陘邱輿馬陘皆齊邑陘音刑邱輿當在今青州府益都縣界馬陘在益

都縣齊侯使賓媚人賂以紀甗玉磬與地媚人國佐也甗玉甗皆滅紀所

得甗音彦無底甗方言云甗自關而東曰甗不可則聽客之所為賓媚人致賂

晉人不可曰必以蕭同叔子為質同叔蕭君之字齊侯外祖父子也難斥言其

母故遠言之而使齊之封內盡東其畝使龍畝東西行音杭對曰蕭同

叔子非他寡君之母也若以匹敵則亦晉君之母

也吾子布大命於諸侯而曰必質其母以為信其

若王命何言違王命且是以不孝令也詩曰孝子不匱永

錫爾類詩大雅言孝心不貳者又能以孝道長賜其志類若以不孝令於諸侯其無

乃非德類也乎不以孝德賜同類先王疆理天下物土之宜

而布其利疆界也理正也物土之宜播殖之物各從土宜。物相也淮南子云欲知地道者物其樹故詩曰我

疆我理南東其畝詩小雅或南或東從其土宜今吾子疆理諸侯而

曰盡東其畝而已唯吾子戎車是利晉之伐齊循龍東行易。朱子曰井田之

法縱橫為溝洫川澮其中阡陌一東一南十字相交所以寓設險之意而非戎車之利也若盡東其畝則無縱橫相衝但一直向東可以長驅而來矣

無顧土宜其無乃非先王之命也乎反先王則不

義何以為盟主其晉實有闕闕失四王之王也禹湯文武樹

德而濟同欲焉樹立也濟成也五伯之霸也夏伯昆吾商伯大彭豕韋周伯齊桓晉文勤

而撫之以役王命役事也今吾子求合諸侯以逞無疆

之欲疆竟也詩曰布政優優百祿是道詩頌殷湯布政優和故百祿來聚適聚也子

實不優而弃百祿諸侯何害焉言不能為諸侯害不然不見許寡

君之命使臣則有辭矣曰子以君師辱於敝邑不

腆敝賦以犒從者戰而曰犒為孫辭畏君之震師徒撓敗震動

撓曲也。撓乃教反。○震威也吾子惠徼齊國之福不泯其社稷使繼

舊好唯是先君之敝器土地不敢愛子又不許請

收合餘燼燼火餘木背城借一欲于城下復借一戰。背音佩敝邑之幸亦云

從也况其不幸敢不唯命是聽言完全之時尚不敢違晉今若不幸則從命。○言即幸而

勝亦從晉命况於不幸魯衛諫曰齊疾我矣諫卻克也其死亡者皆親暱

也子若不許。雖我必甚。唯子則又何求。子得其國。

寶謂獻我亦得地齊歸而紓於難齊服則難緩其榮多矣。

齊晉亦唯天所授。豈必晉。晉人許之。對曰：羣臣帥

賦輿賦輿猶以為魯衛請。若苟有以藉口而復於寡


君藉薦復白也。孔疏禮承玉之物名為繅。藉是承薦之言。故為君

之惠也。敢不唯命是聽。禽鄭自師。逆公禽鄭魯大夫歸

秋七月。晉師及齊國。佐盟于袁婁。使齊人歸我汶

陽之田。公會晉師于上鄆。上鄆地。關公會晉師不書史闕。上

賜三帥先路三命之服。三帥。郤克。士燮。欒書。已嘗受王



所建所服之物。司馬司空輿帥候正亞旅皆受一命之服。晉司馬

空皆大夫輿帥主兵車。候正主斥候。亞旅亦大夫也。皆魯侯賜。孔疏司馬

司空本是卿官之名。但晉之諸卿皆以三軍將佐為號。其司馬司空皆為大

○八月。宋文公卒。始厚葬。用蜃炭。益車馬。始用殉。

燒蛤為炭。以瘞壙。多埋車馬。用人從葬。蜃市。重器備。重猶多也。重

也。四角設棟。也是為四注槨也。士喪禮下篇陳明器云。抗木橫三縮二。謂於槨

之上設此木。從二橫三以負土。則士之槨上平也。今此槨上四注而下。則其上

方而尖。釋詁云。翰。榦也。舍人曰。所以當牆兩邊障土者也。翰在牆之旁。則知

此翰亦在旁也。詩云。會弁如星。鄭云。會謂弁之縫中。言其際會之處也。會在

弁之上。知此。君子謂華元樂舉。於是乎不臣。臣治煩去

惑者也是以伏死而爭今二子者君生則縱其惑
謂文十八年殺母弟須死又益其侈是弃君於惡也何臣之為
若言何用為臣

○九月衛穆公卒晉三子自役弔焉哭於大門之

外師還過衛故因弔之未復命故不敢成禮衛人逆之逆于門外婦人哭於門內

喪位婦人哭於堂賓在門外故移在門內送亦如之遂常以葬至葬行此禮

○楚之討陳夏氏也在宣十一年莊王欲納夏姬申公巫

臣曰不可君召諸侯以討罪也今納夏姬貪其色

也貪色為淫淫為大罰周書曰明德慎罰周書康誥文王

所以造周也明德務崇之之謂也慎罰務去之之

謂也若興諸侯以取大罰非慎之也君其圖之王

乃止子反欲取之巫臣曰是不祥人也是天子蠻

子蠻鄭靈公夏姬御叔夏姬之殺御叔御叔夏姬之弒靈侯陳靈公也戮夏南夏姬

舒子徽出孔儀孔寧儀喪陳國楚滅陳何不祥如是人生實難

其有不獲死乎言死易得無為取夏姬以速之天下多美婦人何必是

子反乃止王以子連尹襄老襄老死於邲不獲其

尸邲戰在宣十二年其子黑要烝焉黑要襄老子要平聲巫臣使道焉曰

歸吾聘女道夏姬使歸鄭又使自鄭召之曰尸可得也襄老尸必

來逆之姬以告王王問諸屈巫屈巫臣對曰其信知罃

之父成公之嬖也而中行伯之季弟也知罃父荀首也中行伯荀林父

也也邲之戰楚人囚知罃新佐中軍而善鄭皇成甚愛此子愛知罃也其必

因鄭而歸王子與襄老之尸以求之王子楚公子穀臣也邲之戰荀首囚之

鄭人懼於邲之役而欲求媚於晉其必許之王遣

夏姬歸將行謂送者曰不得尸吾不反矣巫臣聘

諸鄭鄭伯許之聘夏姬及共王即位將為陽橋之役楚伐魯至

陽橋在此年冬使屈巫聘于齊且告師期巫臣盡室以行室家盡去

申叔跪從其父將適郢遇之叔跪申叔時之子跪其妻反曰異哉夫

子有三軍之懼而又有桑中之喜宜將竊妻以逃

者也桑中衛風淫奔之詩及鄭使介反幣而以夏姬行介副也將幣聘物

奔齊齊師新敗曰吾不處不勝之國遂奔晉而因

郤至至郤克族子以臣於晉晉人使為邢大夫邢晉邑子反請

以重幣錮之禁錮勿令仕錮音固王曰止其自為謀也則過矣

其為吾先君謀也則忠忠社稷之固也所蓋多矣

蓋覆也且彼若能利國家雖重幣晉將可乎言不許若無

益於晉晉將弃之何勞錮焉為七年楚滅巫臣族晉南通吳張本

○晉師歸范文子後入武子曰無為吾望爾也乎

武子士會文子之父對曰師有功國人喜以逆之先入必屬耳

目焉是代帥受名也故不敢武子曰吾知免矣知其不益

已禍。屬音燭。卻伯見公曰子之力也夫對曰君之訓也二

三子之力也臣何力之有焉卻伯卻克。見賢遍反。范叔見勞之

如卻伯對曰庚所命也克之制也燮何力之有焉

荀庚將上軍時不出范文子上軍佐代行故稱帥以讓。勞去聲。藥伯見公亦如之對曰燮

之詔也士用命也書何力之有焉詔告也。藥書下軍帥故推功上軍傳言晉將帥

克讓所以能勝齊。○宣公使求好于楚莊王卒宣公薨不克作好在宣十八

年公即位受盟于晉元年盟赤棘會晉伐齊衛人不行使

于楚不聘楚而亦受盟于晉從於伐齊故楚令尹子重

為陽橋之役以救齊將起師子重曰君弱傳曰寡人生十年而

喪先君共王即位至是三年蓋年十二三矣。羣臣不如先大夫師眾而後可詩

曰濟濟多士文王以寧詩大雅言文王以眾士安夫文王猶用眾况

吾濟乎等且先君莊王屬之曰無德以及遠方莫

如惠恤其民而善用之乃大戶閱民戶口屬音燭已責棄逋責逮

鰥施及老鰥救乏赦罪悉師王卒盡行彭名御戎蔡景公

為左許靈公為右王卒盡行故王戎車亦行雖無楚王今二君當左右之位二君弱皆強

冠之冬楚師侵衛遂侵我師于蜀公賂之而退故不書侵使臧孫

往臧孫宣叔也辭曰楚遠而久固將退矣無功而受名臣

不敢不敢虛受退楚名楚侵及陽橋陽橋魯地陸氏澄曰博縣有陽橋今在山東泰安州西北孟

孫請往賂之楚侵遂深故孟孫請以賂往孟孫獻子也以執斲執鉞織紵執斲匠人執鉞

女工織紵織縵布者皆百人公衡為質公衡成公子以請盟楚

人許平十一月公及楚公子嬰齊蔡侯許男秦右

大夫說宋華元陳公孫寧衛孫良夫鄭公子去疾

及齊國之大夫盟于蜀齊大夫不書其名非卿也說音悅卿不書匱盟

也於是乎畏晉而竊與楚盟故曰匱盟匱乏也孔疏私竊為盟盟終

不固此盟是匱乏之道也蔡侯許男不書乘楚車也謂之失位乘楚王車為左

右則失位也卿不書則稱人諸侯不書皆不見經君臣之別君子曰位其不可不慎也乎

蔡許之君一失其位不得列於諸侯况其下乎詩

曰不解于位民之攸暨詩大雅言在上者勤正其位則國安而民息也攸所也暨息也其是

之謂矣楚師及宋公衡逃歸臧宣叔曰衡父不忍

數年之不宴宴樂也以弃魯國國將若之何誰居後之

人必有任是夫國弃矣居辭也言後人必有當此患居音基任音壬是行也晉

辟楚畏其眾也君子曰眾之不可以已也大夫為

政猶以眾克况明君而善用其眾乎夫誓所謂商

兆民離周十人同者眾也大誓周書萬億曰兆民離則弱合則成眾言殷以散亡周以眾興

○晉侯使鞏朔獻齊捷于周王弗見使單襄公辭

焉曰蠻夷戎狄不式王命式用也淫泆毀常王命伐之

則有獻捷王親受而勞之所以懲不敬勸有功也

兄弟甥舅侵敗王畧兄弟同姓國甥舅異姓國畧經畧法度○泐面善反勞去聲王命伐

之告事而已不獻其功所以敬親暱告伐事而不獻囚俘禁淫

慝也淫慝謂競掠百姓取囚俘也○醜薄報反掠音亮今叔父克遂有功于齊克能也

而不使命卿鎮撫王室所使來撫余一人而鞏伯

實來未有職司於王室鞏朔上軍大夫非命卿名位不達於王室又奸先王之

禮謂獻齊捷○奸音干余雖欲於鞏伯欲受其獻其敢廢舊典以忝叔

父夫齊甥舅之國也而大師之後也齊世與周昏故曰甥舅○大音泰

寧不亦淫從其欲以怒叔父抑豈不可諫誨士莊

伯不能對莊伯鞏朔○從子用反王使委於三吏委屬也三吏三公也○三公者天子之吏也

禮之如侯伯克敵使大夫告慶之禮降於卿禮一

等王以鞏伯宴而私賄之使相告之曰非禮也勿

籍相相禮者籍書也王畏晉故私宴賄以慰鞏朔

經三年春王正月公會晉侯宋公衛侯曹伯伐鄭

宋衛未葬而稱爵以接隣國非禮也○辛亥葬衛穆公無傳○二月公至自

伐鄭無傳 ○甲子新宮災三日哭無傳三年喪畢宣公神主新入廟故謂之新宮書三日哭

善得禮宗廟親之神靈所馮居而遇災故哀而哭之 ○乙亥葬宋文公無傳七月而葬緩 ○夏公

如晉 ○鄭公子去疾帥師伐許 ○公至自晉無傳 ○

秋叔孫僑如帥師圍棘棘汶陽田之邑在濟北蛇邱縣○蛇以支反○劉氏昭曰蛇邱縣有棘鄉季氏本

曰今當為肥鄉縣地 ○大雩無傳以過時書 ○晉卻克衛孫良夫伐廡咎如

赤狄別種○廡在良反咎音羔 ○冬十有一月晉侯使荀庚來聘衛侯

使孫良夫來聘丙午及荀庚盟丁未及孫良夫盟

先晉後衛尊霸主 ○鄭伐許無傳不書將帥告辭略

傳三年春諸侯伐鄭次于伯牛討邲之役也伯牛鄭地邲役

在宣十二年 遂東侵鄭晉潛軍深入 鄭公子偃帥師禦之偃穆公子 使東

鄙覆諸鄆覆伏兵也○覆扶又反鄆武旦反 敗諸邱輿鄭邱輿皆鄭地晉偏軍為鄭所敗故不書 皇

戌如楚獻捷

○夏公如晉拜汶陽之田前年晉使齊歸魯汶陽田故

○許恃楚而不事鄭鄭子良伐許

○晉人歸楚公子穀臣與連尹襄老之尸于楚以

求知罃邲之戰楚獲知罃 於是荀首佐中軍矣荀首知罃父 故楚人

許之王送知罃曰子其怨我乎對曰二國治戎臣

不才不勝其任以為俘馘執事不以釁鼓以血塗鼓為釁鼓

勝音升使歸即戮君之惠也。臣實不才，又誰敢怨。王曰：

然則德我乎？對曰：二國圖其社稷，而求紓其民也。紓，緩也。

各懲其忿以相宥也。宥，赦也。兩釋纍囚以成其好也。纍，繫也。二

國有好，臣不與及其誰敢德。言二國本不為己，與音預。王曰：子歸。

何以報我？對曰：臣不任受怨，君亦不任受德，無怨

無德，不知所報。音壬。王曰：雖然，必告不穀。對曰：以君

之靈，纍臣得歸骨於晉，寡君之以為戮，死且不朽。

戮，其不勝任。若從君之惠而免之，以賜君之外臣首。稱於異國，君曰

外臣首，其請於寡君，而以戮於宗，亦死且不朽。若不

獲命。君不許戮。而使嗣宗職。嗣，其祖宗之位職。次及於事，而帥偏師

以修封疆，雖遇執事。遇，楚將帥。其弗敢違也。違，辟也。其竭力致

死，無有二心，以盡臣禮，所以報也。王曰：晉未可與

爭，重為之禮而歸之。

○秋，叔孫僑如圍棘，取汶陽之田，棘不服，故圍之。

僑如，叔孫得臣子。

○晉卻克衛孫良夫伐廬咎如，討赤狄之餘焉。宣五年。

晉滅赤狄潞氏其餘民，散入廬咎如，故討之。廬咎如潰，上失民也。此傳釋經之文，而經無廬咎如潰蓋

四字。

○冬十一月晉侯使荀庚來聘且尋盟尋元年赤棘盟荀庚林父之子

衛侯使孫良夫來聘且尋盟尋宣七年盟公問諸臧宣叔

曰中行伯之於晉也其位在三下孫子之於衛也

位為上卿將誰先對曰次國之上卿當大國之中

中當其下下當其上大夫降一等小國之上卿當大國

之下卿中當其上大夫下當其下大夫降大國二等上下

如是古之制也古制公為大國侯伯為次國子男為小國衛在晉不得為次國

春秋時以強弱為大小故衛雖侯爵猶為小國晉為盟主其將先之計等則二人位敵以盟主故先晉

丙午盟晉丁未盟衛禮也

○十二月甲戌晉作六軍為六軍僭王也萬二千五百人為軍韓厥趙括

鞏朔韓穿荀騅趙旃皆為卿賞鞏之功也韓厥為新中軍趙括佐之鞏朔為新上軍韓穿佐之荀騅為新下軍趙旃佐之晉舊自有三軍今增此故為六軍騅音佳

○齊侯朝于晉將授玉行朝禮卻克趨進曰此行也君

為婦人之笑辱也寡君未之敢任言齊侯之來以謝婦人之笑非為修好故云晉君不任當此惠為去聲任音壬晉侯享齊侯齊侯視韓厥韓厥曰君

知厥也乎齊侯曰服改矣戎朝異服也言服改明識其人韓厥登舉爵

曰臣之不敢愛死為兩君之在此堂也

○荀瑩之在楚也鄭賈人有將寘諸褚中以出褚中呂

成公

也反繁既謀之未行而楚人歸之賈人如晉荀營善視之如實出已賈人曰吾無其功敢有其實乎吾小人不可以厚誣君子遂適齊傳言知營之賢

經四年春宋公使華元來聘○三月壬申鄭伯堅

卒無傳二年大夫盟于蜀○杞伯來朝○夏四月甲寅臧

孫許卒無傳○公如晉○葬鄭襄公無傳○秋公至自

晉○冬城鄆無傳公欲叛晉故城而為備○按魯有二鄆此西鄆也今山東兗州府濟寧州鄆城縣是○鄭伯

伐許

傳四年春宋華元來聘通嗣君也宋共公即位

○杞伯來朝歸叔姬故也將出叔姬先修禮朝魯言其故

○夏公如晉晉侯見公不敬季文子曰晉侯必不

免言將不能壽終也詩曰敬之敬之天惟顯思命不易

哉詩頌言天道顯明受其命甚難後十年陷廁而死夫晉侯之命在諸侯矣可不

不敬乎敬諸侯則得天命

○秋公至自晉欲求成于楚而叛晉季文子曰不

可晉雖無道未可叛也國大臣睦而邇於我邇近也諸

侯聽焉未可以貳聽服也史佚之志有之周文王曰非我

族類其心必異楚雖大非吾族也與魯異姓其肯字我乎

公乃止

字愛也

○冬十一月鄭公孫申帥師疆許田

前年鄭伐許侵其田今正其界

人敗諸展陂鄭伯伐許取鉏任泠敷之田

展陂亦許地○任音壬泠

力丁反○在今河南開封府許州西北

晉欒書將中軍

代卻

荀首佐之士燮佐

上軍以救許伐鄭取汜祭

汜祭鄭地成臯縣東有汜水○汜音祀祭側介反○即中牟之祭亭周祭伯

之邑入于鄭者二邑俱屬今開封府

楚子反救鄭鄭伯與許男訟焉

於子反前爭曲

直皇戌攝鄭伯之辭

代之

子反不能決也曰君若辱

在寡君寡君與其二三臣共聽兩君之所欲成其

可知也

欲使自屈於楚子前決之

不然側不足以知二國之成

側子反名為明

年許愬鄭于楚張本

○晉趙嬰通于趙莊姬

趙嬰趙盾弟莊姬趙朔妻朔盾之子

經五年春王正月杞叔姬來歸

出也傳在前年

○仲孫蔑如

宋○夏叔孫僑如會晉荀首于穀

穀齊地

○梁山崩

也梁山在馮翊夏陽縣北○夏陽今同州韓城縣屬陝西西安府

○秋大水

無傳

○冬十有一

月己酉天王崩○十有二月己丑公會晉侯齊侯

宋公衛侯鄭伯曹伯邾子杞伯同盟于蟲牢

蟲牢鄭地陳留

封邱縣北有桐牢○今桐牢亭在河南開封府封邱縣北三里

傳五年春原屏放諸齊

放趙嬰也原同屏季嬰之兄○屏步丁反

嬰曰我在故

藥氏不作我亡吾二昆其憂哉且人各有能有不

能言已雖淫而能令莊姬護趙氏舍我何害弗聽嬰夢天使謂已祭余

余福女使問諸士貞伯貞伯曰不識也既而告其

人自告貞伯從人曰神福仁而禍淫淫而無罰福也祭其得

亡乎以得放遣為福祭之之明日而亡為八年晉殺趙同趙括傳

○孟獻子如宋報華元也前年宋華元來聘

○夏晉荀首如齊逆女故宣伯餽諸穀野饋曰餽運糧饋之敬大國也

○梁山崩晉侯以傳召伯宗傳驛○傳中戀反下同伯宗辟重曰

辟傳重載之車○辟重音關曰辟音避重人曰待我不如捷之速也捷邪出問

其所曰絳人也問絳事焉曰梁山崩將召伯宗謀

之問將若之何曰山有朽壤而崩可若何國主山

川主謂所主祭故山崩川竭君為之不舉去盛饋降服損盛服乘縵

車無文○縵莫半反徹樂息八音出次舍于郊祝幣陳玉帛史辭自罪責以禮焉禮山川

其如此而已雖伯宗若之何伯宗請見之見之於晉君○見賢遍反

不可不肯見遂以告而從之從重人言

○許靈公愬鄭伯于楚前此年鄭伐許故六月鄭悼公如楚訟

不勝楚人執皇戌及子國以鄭伯不直故也子國鄭穆公子故鄭伯歸使

成公

三

公子偃請成于晉秋八月鄭伯及晉趙同盟于垂

棘垂棘晉地

○宋公子圍龜為質于楚而歸圍龜文華元享之請

鼓譟以出鼓譟以復入出入輒擊鼓譟素報反曰習攻華氏宋公

殺之蓋宣十五年宋楚平後華元使圍龜代已為質故怨而欲攻華氏

○冬同盟于蟲牢鄭服也諸侯謀復會宋公使向

為人辭以子靈之難子靈圍龜也宋公不欲會以新誅子靈為辭為明年侵宋傳○向舒亮反

○十一月己酉定王崩經在蟲牢上傳在下月倒錯眾家傳悉無此八字或衍文

經六年春王正月公至自會無傳○二月辛巳立武

宮魯人自鞏之功至今無患故築武軍又作先君武公宮以告成事欲以示後世○服氏虔曰鞏之戰禱武公以求勝故立其宮○取

鄆附庸國也○鄆音專○衛孫良夫帥師侵宋○夏六月邾子

來朝無傳○公孫嬰齊如晉嬰齊叔子○壬申鄭伯費卒

前年同盟蟲牢○費音秘○秋仲孫蔑叔孫僑如帥師侵宋○楚公

子嬰齊帥師伐鄭○冬季孫行父如晉○晉欒書

帥師救鄭

傳六年春鄭伯如晉拜成謝前年再盟子游相子游公子偃授玉

于東楹之東禮授玉兩楹之間鄭伯行疾故東過士貞伯曰鄭伯其死乎自

弃也已視流而行速不安其位宜不能久視流不端諦

○二月季文子以鞏之功立武宮非禮也

宣十二年潘黨勸楚子立

武軍楚子答以武有七德非已所堪其為先君宮告成事而已今魯倚晉之功又非霸主而立武宮故譏之

聽於人以救

其難不可以立武立武由己非由人也

言請人救難勝非已功○啖氏

助曰傳意以為武軍之宮如楚子所立者非也

○取鄆言易也

○胡傳滅而書取為君隱也

○三月晉伯宗夏陽說衛孫良夫甯相鄭人伊雒

之戎陸渾蠻氏侵宋

夏陽說晉大夫蠻氏戎別種也河南新城縣東南有蠻城經惟書衛孫良夫獨衛告也○

說音悅相去聲

以其辭會也

辭會在

師于鉞衛人不保

不守備○鉞其廉反

說欲襲衛曰雖不可入多俘而歸有罪不及死伯

宗曰不可衛唯信晉故師在其郊而不設備若襲

之是弃信也雖多衛俘而晉無信何以求諸侯乃

止師還衛人登陴

聞說謀故

○晉人謀去故絳

晉復命新田為絳故謂此故絳

諸大夫皆曰必居郕

瑕氏之地

郕瑕古國名河東解縣西北有郕城

沃饒而近鹽

鹽鹽也猗氏縣鹽池是○孔疏說文云鹽河東

鹽池表五十一里廣七里周摠百一十六里字從鹽省古聲然則鹽是鹽之名鹽雖是鹽唯此池之鹽獨名為鹽餘鹽不名鹽也

國利君

樂不可失也韓獻子將新中軍且為僕大夫

揖而入獻子從公立於寢庭

路寢之庭

謂獻子曰何如

言是非

對曰不可郕瑕氏土薄水淺

土薄地下

其惡易覲

惡疾痰覲成也

易觀則民愁民愁則墊隘墊隘羸困也。墊丁念反。孔疏羸困而謂之墊隘者方言云墊下也地之

下溼狹隘猶人之羸瘦困苦故杜以墊隘為羸苦也於是乎有沈溺重脰之疾沈溺溼疾重脰

足腫。脰。治偽反。不如新田今平陽絳邑縣是。今屬山西平陽府。土厚水深居之不

疾高燥故有汾澮以流其惡汾水出太原經絳北西南入河澮水出平陽絳縣南西入汾惡垢穢且民

從教無災患。孔疏民有災患則不暇從上無災患則從教化也十世之利也夫山澤林藪

國之寶也國饒則民驕佚財易致則民驕侈近寶公室乃貧不

可謂樂近寶則民不務本公說從之夏四月丁丑晉遷于新

田為季孫如晉傳

○六月鄭悼公卒終士貞伯之言

○子叔聲伯如晉命伐宋晉人命聲伯秋孟獻子叔孫宣伯侵宋晉命也

○楚子重伐鄭鄭從晉故也前年楚晉盟

○冬季文子如晉賀遷也

○晉欒書救鄭與楚師遇於繞角繞角鄭地。故城在河南汝州魯山縣東南

楚師還晉師遂侵蔡楚公子申公子成以申息之

師救蔡申息楚二縣禦諸桑隧汝南朗陵縣東有桑里在上蔡西南。今河南汝寧府確山縣有朗陵故城

趙同趙括欲戰請於武子武子將許之武子知莊子

荀首中軍佐范文子士燮上軍佐韓獻子韓厥新中軍將諫曰不可吾來救

鄭楚師去我吾遂至於此此蔡地是遷戮也戮而不已

又怒楚師戰必不克遷戮不義怒敵難當故不克雖克不令善也成師

以出而敗楚之二縣何榮之有焉六軍悉出故曰成師以大勝小不足為榮若

不能敗為辱已甚不如還也乃遂還於是軍帥之

欲戰者眾或謂藥武子曰聖人與眾同欲是以濟

事子盍從眾盍何不也子為大政中軍元帥將酌於民者也酌取民心以為

政子之佐十一人六軍之卿佐其不欲戰者三人而已知范韓也欲

戰者可謂眾矣商書曰三人占從二人眾故也商書洪範

武子曰善鈞從眾鈞等也夫善眾之主也三卿為主可

謂眾矣三卿皆晉之賢人從之不亦可乎傳善藥書得從眾之義且為八年晉侵蔡傳

經七年春王正月鼯鼠食郊牛角改卜牛鼯鼠又

食其角乃免牛無傳稱牛未卜且免放也免牛可也不郊非禮也鼯音奚黃氏震曰孫炎曰鼯鼠如鼠狼鄭夾際曰

草鼠而微黃愚聞之師曰甘口鼠也噬人畜不知痛○吳伐邾邾音談○林氏堯叟曰吳始入伐中國○夏五月曹

伯來朝○不郊猶三望無傳書不郊閒有事三望非禮○秋楚公子嬰

齊帥師伐鄭公會晉侯齊侯宋公衛侯曹伯莒子

邾子杞伯救鄭八月戊辰同盟于馬陵馬陵衛地陽平元城縣東南有

公至自會無傳吳入州來州來楚邑淮南下蔡縣是

也○今江南鳳陽府壽州有下蔡城孫氏復曰州來微國○冬大雩無傳書過○劉氏敞曰穀梁曰冬無為雩也非也周之十月今

之八月若久不雨可得不要乎

○衛孫林父出奔晉

傳七年春吳伐鄭鄭成季文子曰中國不振旅蠻

夷入伐而莫之或恤振整也旅衆也無弔者也夫

言中國不能相愍恤故夷狄內侵

詩曰不弔昊天亂靡有定其此之謂乎

詩小雅刺在上者不能弔愍下

民故號天告亂

有上不弔其誰不受亂上謂

吾亡無日矣君子

曰知懼如是斯不亡矣

○鄭子良相成公以如晉見且拜師

謝前年晉救鄭之師為楚伐鄭張本

○見賢遍反

○夏曹宣公來朝

○秋楚子重伐鄭師于汜

汜鄭地在襄城縣南○汜音凡

諸侯救鄭鄭

共仲侯羽軍楚師

二子鄭大夫共音恭

囚鄭公鍾儀獻諸晉八

月同盟于馬陵尋蟲牢之盟且莒服故也

蟲牢盟在五年莒本屬齊

齊服故莒從之鄭本作真音云

晉人以鍾儀歸囚諸軍府

軍藏府也為九年晉侯見鍾儀張本

○藏才浪反

○楚圍宋之役

在宣十四年

師還子重請取於申呂以為

賞田王許之

分申呂之田以自賞○括地志故呂國在鄧州南陽縣西今南陽縣屬河南南陽府

申公巫臣

曰不可此申呂所以邑也是以為賦以御北方若

取之是無申呂也

言申呂賴此田成邑耳不得此田則無以出兵賦而二邑壞也

晉鄭必至

于漢王乃止子重是以怨巫臣子反欲取夏姬巫臣止之遂取以行子反亦怨之及共王即位楚共王以魯成

公元年即位子重子反殺巫臣之族子閻子蕩及清尹弗

忌皆巫臣之族閻音鹽及襄老之子黑要以夏姬故并怨黑要。要平聲而分其室

子重取子閻之室使沈尹與王子罷分子蕩之室

子反取黑要與清尹之室巫臣自晉遺二子書子重子反

罷音皮下同潰去聲曰爾以讒慝貪恹事君而多殺不辜余必

使爾罷於奔命以死巫臣請使於吳晉侯許之吳

子壽夢說之乃通吳于晉壽夢季札父。恹力舍反使去聲夢平聲以兩之一

卒適吳舍偏兩之一焉司馬法百人為卒二十五人為兩車九乘為小偏十五乘為大偏蓋留九乘車

及一兩二十五人令吳習之。舍音赦。顧氏炎武曰按傳氏云古人一車謂之一兩詩百兩御之孟子革車三百兩非二十五人為兩之兩也蓋楚廣之制本用一卒故云以兩之一卒其云舍偏兩之一者車之半邊為偏偏五十人今留二十五人也與其射御教吳乘

車教之戰陳教之叛楚前是吳常屬楚寘其子狐庸焉使為

行人於吳吳始伐楚伐巢伐徐巢徐楚屬國子重奔命救徐

馬陵之會吳入州來子重自鄭奔命因伐鄭而行子重子

反於是乎一歲七奔命蠻夷屬於楚者吳盡取之

是以始大通吳於上國上國諸夏

○衛定公惡孫林父冬孫林父出奔晉林父孫良夫之子衛

侯如晉晉反戚焉戚林父邑林父出奔戚隨屬晉

經八年春晉侯使韓穿來言汶陽之田歸之于齊

齊服事晉故晉來語魯使還二年所取田 ○晉欒書帥師侵蔡 ○公孫嬰齊如

莒 ○宋公使華元來聘夏宋公使公孫壽來納幣

昏聘不使卿今華元將命故特書之宋公無主昏者自命之故稱使也公孫壽蕩意諸之父 ○公羊傳納幣不書此何以書錄伯姬也何氏休注據紀履綸來逆女不書納幣伯姬守節逮火而死賢故詳錄其禮所以殊於眾女 ○晉殺其大夫趙同趙括

傳曰原屏咎之徒也明本不以德義自居宜其見討故從告辭而稱名 ○胡傳同括無罪為莊姬所譖而欒卻害之也故稱國以殺而不去其官以見晉之失政

刑矣 ○秋七月天子使召伯來賜公命諸侯即位天子賜以命圭與之

合瑞八年乃來緩也天子天王王者之通稱 ○冬十月癸卯杞叔姬卒前五年來歸者女既

適人雖見出弃猶以成人禮書之終為杞伯所葬故稱杞叔姬 ○晉侯使士燮來聘叔孫僑

如會晉士燮齊人邾人伐邾先謀而稱會盟主之命不同之於列國 ○衛人

來媵古者諸侯取適夫人及左右媵各有姪娣皆同姓之國國三人凡九女所以廣繼嗣也魯將嫁伯姬於宋故衛來媵之 ○媵以證反 ○公羊傳媵不書此何以書錄伯姬也胡傳諸侯有三歸嫡夫人行則姪娣從二國來媵亦以姪娣從三國來媵非禮也

傳八年春晉侯使韓穿來言汶陽之田歸之于齊

季文子餞之餞送行飲酒 ○餞子扇反毛詩箋云祖而舍較飲酒於其側曰餞 私焉私與之言 曰大

國制義以為盟主是以諸侯懷德畏討無有貳心

謂汶陽之田敝邑之舊也而用師於齊使歸諸敝

邑用師鞏之戰 今有二命曰歸諸齊信以行義義以成命

成公

成公

成公

成公

成公

成公

成公

小國所望而懷也信不可知義無所立四方諸侯其誰不解體言不復肅敬於晉詩曰女也不爽士貳其行士

也罔極二三其德爽差也極中也詩衛風婦人怨丈夫不一其行喻魯事晉猶女之事夫不敢過差而晉有罔極

之心反二三其德○行去聲七年之中一與一奪二三孰甚焉士之

二三猶喪妃耦而况霸主霸主將德是以以用也○妃音配而

二三之其何以長有諸侯乎詩曰猶之未遠是用

大簡猶圖也簡諫也詩大雅言王者圖事不遠故用大道諫之行父懼晉之不遠猶而失

諸侯也是以敢私言之

○晉欒書侵蔡六年未得志故遂侵楚獲申驪申驪楚大夫楚師之

還也謂六年遇於繞角時晉侵沈獲沈子揖初從知范韓也繞角之役

欒書從知莊子范文子韓獻子之言不與楚戰自是常從其謀師出有功故傳善之沈國今汝南平輿縣○平輿音餘今河南汝寧府城東有平輿城

君子曰從善如流宜哉宜有功也詩曰愷悌君子遐

不作人遐遠也作用也詩大雅言文王能遠用善人不語助求善也夫作人斯有功績

矣是行也鄭伯將會晉師會伐蔡之師門于許東門大獲

焉過許見其無備因攻之

○聲伯如莒逆也自為逆婦而書者因聘而逆

○宋華元來聘聘共姬也穆姜之女成公姊妹為宋共公夫人聘不應使卿故傳發其事而已夏

宋公使公孫壽來納幣禮也納幣應使卿

○晉趙莊姬為趙嬰之亡故譖之于晉侯趙嬰亡在五年曰

原屏將為亂欒卻為徵欒氏郤氏亦徵其為亂六月晉討趙同趙

括武從姬氏畜于公宮趙武莊姬之子莊姬晉成公女畜養也以其田與祁

奚韓厥言於晉侯曰成季之勲宣孟之忠成季趙衰宣孟趙盾

而無後為善者其懼矣三代之令王皆數百年保

天之祿夫豈無辟王賴前哲以免也言三代亦有邪辟之君但賴其先人以免

禍耳。辟。匹亦反。周書曰不敢侮鰥寡所以明德也周書康誥言文王不侮鰥

寡而德益明欲使晉侯之法文王乃立武而反其田焉

○秋召桓公來賜公命名桓公周卿士

○晉侯使申公巫臣如吳假道于莒與渠邱公立

於池上渠邱公莒子朱也池城池也渠邱邑名莒縣有濼里曰城已

惡莒子曰辟陋在夷其孰以我為虞虞度也對曰夫狡

焉狡猾之人思啓封疆以利社稷者何國蔑有唯然故多

大國矣唯或思或縱也世有思開封疆者有縱其暴掠者莒人當唯此為命。陸氏粲曰有思開封疆

者有縱弛而不設備者故多兼并以成大國勇夫重閉况國乎為明年莒潰傳。重平聲

○冬杞叔姬卒來歸自杞故書愍其見出來歸故書卒也若更適大夫則不復書卒

○晉士燮來聘言伐鄭也以其事吳故七年鄭與吳成公賂

之請緩師文子不可文子士燮曰君命無貳失信不立禮

無加貨事無二成公私不兩成君後諸侯是寡君不得事

君也魯絕燹將復之季孫懼使宣伯帥師會伐邾

○衛人來媵共姬禮也凡諸侯嫁女同姓媵之異

姓則否必以同姓者參骨肉至親所以息陰訟。劉氏敞曰諸侯三歸歸各一族自同姓耳若嬴曹媯弋之君嫁女者必同姓媵之則諸侯

之媵或不能備

經九年春王正月杞伯來逆叔姬之喪以歸○公

會晉侯齊侯宋公衛侯鄭伯曹伯莒子杞伯同盟

于蒲蒲衛地在長垣縣西南。今長垣縣屬直隸大名府。公至自會無傳○二月伯姬歸

于宋宋不使卿逆非禮。家氏鉉翁曰自始至成禮七見經貴之也。○夏季孫行父如宋致

女女嫁三月又使大夫隨加聘問謂之致女所以致成婦禮篤昏姻之好。公羊傳未有言致女者此其言致女何錄伯姬也。○晉人

來媵媵伯姬也。○秋七月丙子齊侯無野卒無傳五同盟丙子六月一日書七月從

赴鄭伯既受盟於蒲又受楚賂會於鄧故晉執之稱人者晉以無道於民告諸侯例在十五年。胡傳

稱人而執者既不以王命又不歸諸京師則非霸討也。晉欒書帥師伐鄭○冬十有一

月葬齊頃公無傳○楚公子嬰齊帥師伐莒庚申莒

潰民逃其上曰潰楚人入鄆鄆莒別邑也楚偏師入鄆故稱人。按上書公子嬰齊則知此楚人即嬰齊也。○秦

人白狄伐晉○鄭人圍許○城中城魯邑也在東海廩邱縣西南此閏月

城在十一月之後十二月之前故傳曰書時。廩邱今鄆城縣也屬山東兗州府濟寧州。

傳九年春杞桓公來逆叔姬之喪請之也叔姬已絕於杞魯復

強請杞使還取強其丈反杞叔姬卒為杞故也還為杞婦故卒稱逆叔姬為我也既弃而復逆其喪明為魯故

○為歸汶陽之田故諸侯貳於晉歸田在前年晉人懼會

於蒲以尋馬陵之盟馬陵在七年季文子謂范文子曰德

則不競尋盟何為競強也范文子曰勤以撫之寬以待

之堅彊以御之明神以要之柔服而伐貳德之次

也是行也將始會吳吳人不至為十五年會鍾離傳

○二月伯姬歸于宋為致女復命起

○楚人以重賂求鄭鄭伯會楚公子成于鄧為晉人執鄭伯傳

○夏季文子如宋致女復命公享之賦韓奕之五

章韓奕詩大雅篇名其五章言蹇父嫁女於韓侯為女相所居莫如韓樂文子喻魯侯有蹇父之德宋公如韓侯宋土如韓樂穆姜

出于房再拜曰大夫勤辱不忘先君以及嗣君施

及未亡人穆姜伯姬母聞文子言宋樂喜而出謝其行勞婦人夫死自稱未亡人○施以鼓反先君猶有

望也言先君亦望文子之若此敢拜大夫之重勤又賦綠衣之卒章

而入綠衣詩邶風也取其我思古人實獲我心喻文子言得已意

○晉人來媵禮也同姓故

○秋鄭伯如晉晉人討其貳於楚也執諸銅鞮銅鞮晉別

縣在上黨○鞮丁兮反○今山西沁州城南有銅鞮城藥書伐鄭鄭人使伯蠲行成晉

人殺之非禮也。兵交使在其間可也。明殺行人例。蠲古立反。使去聲。

楚子重侵陳以救鄭。陳與晉故。

○晉侯觀于軍府。見鍾儀。問之曰：南冠而縶者誰也？南冠。楚冠也。縶。拘執也。在七年。稅解也。稅音脫。有司對曰：鄭人所獻楚囚也。使稅之。鄭獻鍾儀。

樂官。冷力丁反。公曰：能樂乎？對曰：先父之職官也。敢有二事。言不敢學他事。使與之琴。操南音。南音。楚聲。操七刀反。公曰：君王何如？對

曰：非小人之所得知也。固問之。對曰：其為天子也。師保奉之以朝于嬰齊而夕于側也。嬰齊。令尹子重側。司馬子反。言其尊卿敬。

老不知其他。公語范文子。文子曰：楚囚君子也。言

稱先職不背本也。樂操土風不忘舊也。稱天子抑無私也。舍其近事而遠稱少小以示性所自然。明至誠。孔疏若言為君時事。嫌為君隱惡。或疑已在君位。矯情為善。舍其當時近事。遠稱天子少小者。未為君時。不須隱蔽以示至性。自然言其從小如此。以明已之至誠。無所私也。名其二卿尊君

也。尊晉君也。不背本。仁也。不忘舊。信也。無私。忠也。尊君。敏也。敏達也。仁以接事。信以守之。忠以成之。敏以行之。事

雖大必濟。言有此四德。必能成大事。君盍歸之。使合晉楚之成。公從

之重為之禮。使歸求成。為下十二月。晉楚結成。張本。

○冬十一月。楚子重自陳伐莒。圍渠邱。渠邱城惡。

衆潰奔莒。戊申，楚入渠邱。月六日莒人囚楚公子平。楚

人曰：勿殺吾歸而俘。莒人殺之。楚師圍莒。莒城亦

惡。庚申，莒潰。月十日楚遂入鄆。莒無備故也。終巫臣之言君子

曰：恃陋而不備，罪之大者也。備豫不虞，善之大者

也。莒恃其陋而不脩城郭，浹辰之間而楚克其三

都，無備也。夫浹辰十二日也。孔疏：浹為周匝也。從甲至癸為十日。從子至亥為十二辰。周禮：縣治象浹日而斂之。謂周甲癸

十日。此言浹辰謂周子亥。十二辰故為十二日也。詩曰：雖有絲麻，無弃菅蒯。雖有姬

姜，無弃蕉萃。凡百君子，莫不代匱。言備之不可以

已也。逸詩也。姬姜，大國之女。蕉萃，陋賤之人。○菅，古頰反。蕉在遙反。

○秦人白狄伐晉，諸侯貳故也。

○鄭人圍許，示晉不急君也。此秋晉執鄭伯是則公孫申謀

之曰：我出師以圍許，示不為將改立君者，而紓晉使

紓，緩也。勿亟遣使。詣晉示欲更立君。晉必歸君。為明年晉侯歸鄭伯張本。

○城中城，書時也。

○十二月，楚子使公子辰如晉，報鍾儀之使，請脩

好結成。鍾儀奉晉命歸，故楚報之。

經十年，春，衛侯之弟黑背帥師侵鄭。○夏四月，五

卜郊不從，乃不郊。無傳。卜常祀不郊，皆非禮故。書。○穀梁傳：夏四月，不時也。○五月，公會

晉侯齊侯宋公衛侯曹伯伐鄭晉侯太子州蒲也稱爵見其生代父居位失人子之禮

○齊人來媵無傳媵伯姬也異姓來媵非禮也 ○丙午晉侯孺卒六同盟據傳丙

午六月七日有日無月。孺乃侯反 ○秋七月公如晉 ○冬十月

傳十年春晉侯使糴蒺如楚糴蒺晉大夫。糴徒弔反蒺扶廢反 報大宰

子商之使也子商楚公子辰使在前年

○衛子叔黑背侵鄭晉命也晉命衛使侵鄭

○鄭公子班聞叔申之謀改立君之謀 三月子如立公子

縻子縻公子班縻音須 夏四月鄭人殺縻立髡頑子如奔許髡頑鄭成

子公犬 藥武子曰鄭人立君我執一人焉何益不如伐

鄭而歸其君以求成焉晉侯有疾五月晉立太子

州蒲以為君而會諸侯伐鄭生立子為君此父不父子不子經因書晉侯其惡明。啖氏助

曰若然失禮之甚經當有貶既無貶文蓋傳妄也 鄭子罕賂以襄鐘子罕穆公子襄鐘鄭襄公之廟鐘

子然盟于脩澤子駟為質子然子駟皆穆公子榮陽卷縣東有脩武亭。卷音權。亭在河南開

封府原武縣北 辛巳鄭伯歸鄭伯歸不書鄭不告入

○晉侯夢大厲被髮及地搏膺而踊曰殺余孫不

義厲鬼也趙氏之先祖也八年晉侯殺趙同趙括故怒。被皮寄反搏音博 余得請於帝矣壞大門

及寢門而入公懼入于室又壞戶公覺召桑田巫

桑田晉邑。覺古孝反 巫言如夢巫云鬼怒如公所夢 公曰何如曰不食新矣言公不得

及食新麥公疾病求醫于秦秦伯使醫緩為之緩醫名為猶治也

未至公夢疾為二豎子曰彼良醫也懼傷我焉逃

之其一曰居盲之上膏之下若我何盲曷也心下為膏○盲音荒醫

至曰疾不可為也在盲之上膏之下攻之不可達

之不及藥不至焉不可為也達公曰良醫也厚為

之禮而歸之六月丙午晉侯欲麥周六月今四月麥始熟使甸人

獻麥甸人主為公田者饋人為之召桑田巫示而殺之將食

張如廁陷而卒張腹滿也張去聲小臣有晨夢負公以登天

及日中負晉侯出諸廁遂以為殉傳言巫以明術見殺小臣以言夢自禍

○鄭伯討立君者戊申殺叔申叔禽叔申弟君子曰

忠為令德非其人猶不可况不令乎言叔申為忠不得其人還害身

○秋公如晉親弔非禮晉人止公使送葬於是糴棧未反

是春晉使糴棧至楚結成晉謂魯貳於楚故留公須糴棧還驗其虛實冬葬晉景公公送葬諸侯

莫在魯人辱之故不書諱之也諱不書晉葬也

春秋左傳杜注卷第十二

大德八年

大德八年... 未及... 日



程